

蘭駢館日記
光緒十六年庚寅

蘭

記

蘭駢館日記

光緒十六年正月初一日晴

祀祖迎神祥光滿室華蓋自都米得高湯師書廿三日蒙
慈聖賜福壽字及八百長春御畫卷念老臣用之甚慰

初二日晴

洪翰香未久香未華蓋復全晦若同誌

初三日晴

答華蓋過晦若

初四日晴

閏十月

庚寅

一
豐潤張氏瀾

夜晦若容民來話

初五日晴

華蓋來寄安圃書

初六日陰

華蓋來別蹤論新置事宜及在波下老驥伏櫪志在千里此君
之謂歎

初七日陰夜星見

閱夏正考一卷乃胡天游著刻於武訓堂業業書中

初八日昨夜小雪辰刻辰霽

作後套樂山書夜間彈塵餘佐卷

初九日晴 九弟來

初十日晴

開館李黃巨來申刻勞迎宣道談近著等韻一得孤芳也帶字

玉初以涑水清賦作時極六雅項全

十一日晴

得樂山書永為未後

十二日晴

復高陽師及樂山書

十三日晴試鑑

十四日晴

十五日晴

寄高陽及安園書午後過晦若暢談借杜樊川集閱之馮翊

庭注本

十六日晴

合肥宴客以家醪與菊耦以酌月影清圓花香搖曳酒六微醺

矣夜闌揮麈錄一卷

十七日陰有風

永詩未諳開葉夢得避暑錄如行荆棘中閱曲消藉明則如康
莊坦途美言為心聲位或士大夫何苦而造作疑似之說以誣賢者
而媚權奸卑之公論難掩而身及隨所附而益墮使後人目為
邪佞亦可憐之吾於夢得憐之而非惡之也

十八日晴

閱唐人小集無所得作致女圖書

十九日晴

二十日陰有風甚寒

至書局一游買通園三十種而疎此皆見時所闕久不見以書

閏行日記

庚寅

三

豐潤張氏瀾

矣得安姪書

二十日晴

衣清泉世廉未見

廿一日晴

廿三日晴

潘子靜未

廿四日晴午後陰

香清前輩督粵所任任者多才士浙江王存善四川王秉恩父
司父業粵人謂之二王至是為游不公而効益褫職袁清卿以母

病清急旋得豫電三聞計星奔矣

廿五日晴

陳伯平調大名府以大名國守鈞迴避藩司也伯平嘗論王樹文
徽豫山岡之左遠阮而當豫開府山在伯平空危甚移宮換門
若有天鳥居子益可以侯命矣

廿六日晴

皇上三日慶典加息宗親內廷動舊有差

廿七日雨夜微霰

得樊雲明書在鄂督幕中

廿八日晴

閱邸抄知筱帆調肇慶

廿九日晴

曾蓋臣提督來談

二月初一日晴

張樸居知州未談知蘭軒師尚未葬為之悄出午後答樸文
及蓋臣得公第書

二月初二日晴

棋廢解館

初三日晴

得安圃書並延王弼臣來

名棟已酉孝廉王命亭所薦

初四日晴

王弼臣開館

初五日晴

菊耦小有不通
煮菜煮茶賭棊讀画聊以遣興

初六日陰

初七日陰

初八日晴

劉素正入都過以河督志簡人稍省之量吏久任之舊日均垂延

寫世道如此可慨也亦見邵之

初九日晨急雪旋霽

河督授許振祥

初十日晴

十一日晴

晨起答翟樵庵誅作致章頌民書得安姪書

十二日晴

寄王廉生書以國章三方交臂山人倫刻之並復安姪一緘均文摺

弁午後八弟書來言其小女多病殊可念也再回書來又生一

子

十三日晴

午後李贊臣來程謀巖回任就頌氏館辭行

十四日晴

夜閱陶詩乃莫子德所翻宋本陶詩極慕田子春而集為陽
子烈所編何与吾里人有緣耶

十五日晴

復再回書

十六日晴

午後過陳容民居時容氏患咯血

十七日晴

花農來寄六弟女圖書為何果評文數篇均不佳

十八日晴

王省山茂才欲刻壽人師時文乞余為序不忍推之昨於州出文

筆盟枯大似江郎才盡矣 序寄五日旋日滄書師之次子元耀致矣

十九日晴

二十日晴

盛道日東海來九弟由蘆至

二十一日晴晨有微霰
夜有狂風 得高陽書

二十二日晴

寄潤民帥書並陳春麓詩識小錄一部

二十三陰

首版北全集一部未暇明也刻顧廷一乘

二十四晴

永詩未浚

二十五日晴

潛子日記

子艸堂石影

合肥因耕 陵差入都午後過永詩略話寄高陽書

二十六日晴

陳仲勉携具于懋鼎來

字微字三丑
本有解元

得伯潛書並送橘棗餽

二十七日晴有風

至春元棧答仲勉午後永詩來談滄上買琴已類稿閱之

二十八日晴

李襄廷考廉有蕪湖未

合肥之姪

洪翰香目母病乞做誄省

二十九日陰薄莫微雨

永詩來辭行入都得江甯雷朱子清於廿六日去世為之悵然又得安

圖書改初四日登程林下合

陸平本名宗顯

曾元鼎學堂監督大挑米北河相

潛書來屬余見始進之晚得悔若通州書知今肥在三十日入城

二十日晴

料檢書籍有溫故知新之意而終日玩愒歲月望之可惜也

初十日晴

茶于酒館... 處... 遺... 散... 領... 今... 油... 味...

悉... 解... 也... 為... 依... 此... 味... 徒... 道... 有... 客... 氏... 家...

開手日記

庚寅

八

豐潤張氏瀾

余自解 僕左入都 于後通以詩吟 壯年志氣

字六言續

得相階言 是送關

字六言續

至春元 德在神 經于後 求清本 淡流工 實終三 類楊樹

于 博林才 歸春 題詩 以流之 宜而 刻日 以高 崇月 堂之 下 勤心

于 于 韻天 廷 處 應 有 其 湖 水 亦 如 此 洪 翰 香 偶 在 雨 已 飲 其 香

于 斷 金 來 成 衣 妻 婦 並 之 願 林 翻 葉 血 世 未 言 以 為 所 詠 三 下 日 入 知

圖 畫 石 影 曾 以 林 樹 為 志 似 與 林 竹 曾 以 林 樹 為 志 似 與 林 竹 曾 以 林 樹 為 志 似 與 林 竹

蘭駢館日記

光緒十六年閏三月朔日晴

湯伯述來以其祖父端公手錄五經索題

初二日夜雨

子涵由都來赴金陵獻大過話復一弟書並為修海馬少蔭香
才題百石圖二絕明日有邑封入都復悔若一舉

初三日晴

答于涵結一廬歲書均在子清屢恐遊散供商令子涵携疎
恐不能辦也為之悵然疎澆道省容民疾

閏三月巳

庚寅

九

豐潤張氏潤

初四日晴

午後沈丹曾來言相潛在鄉設目利為織布局以惠貧民是

亦為政也胡守三直收傳過談琴生舊交清淑故吏の都引

見言嘗赴漢崖極言馮革亭辦黎匪之浮夸無實及徐廣

陞之狼戾必殺

初五日晴

寄復伯潛書夏壽人師之孫昌祚宏祚均幼仍以商所借脯資之

初六日晴

得新吾書即復之

偶閱顏魯公集得元次山墓誌知新唐次山傳實取資於此惟敘
其世系顏誌云高祖善偉皇朝尚書都官郎中常山郡公曾祖仁基
襲信令襲常山祖利貞霍王府參軍隨鎮汝襄州父延祖清淨
恬儉歷魏城主簿延唐亞思間輒引去以魯縣商餘山多靈業
遂家焉及涇州人謚曰太先生唐書襲作富塞令而不敘其高祖但
云襲常山而止似未明曰利貞作富字利貞霍王元軌辟參軍事而未
云隨鎮汝襄州延祖但云再調壽陵丞而不敘其徙家商餘後錄次山
自釋位云少居商餘山未及顏之父少事明也次山事則傳詳於誌殆
取諸其文集耳

初十日晴

得安國書知改期十二出都

舊唐書魯公傳時太廟為賊所毀真卿奏曰春秋時新宮災魯成公

三日災今太廟既為盜毀請築壇于野皇帝東向哭然後遣使竟不能

從軍國之事知無不言為宰相而忘出為同州刺史新書則云真卿達

言太廟為賊毀請築壇東向哭不從宰相厭其言出為馮翊太守

集載馮翊謝表批卷謂其事乖執法情未減私甚魯公之出為相

所忘必當以官事新書刪節空文竟以建議築壇請哭遭貶矣

初八日晴

梁詩五孝廉虎賁未何子峨客子峨疎竟未相見也詢鏡香近沈
和方某署惠州奉鐵香所鄙夷曾入彈章自辭請席世終伯
灰如以二三知好每勸余以書院為退步殆未知近日官途之缺士氣
之衰如擁蓮池舉凡蕭集之臭味即不可耐矣

張燕公集王方翼碑嘗獨行夜入有怖人長丈直來趨逼射而仆
焉乃朽木也此擬史記李廣賦石車而敘注不恢及

初九日陰

莊雲巢大使自浙來嘗先閱營文案與呂庭芷相習章煥之茂才
辭行回蘭谿湯相述來談得八弟書

梁氏玉繩史記志疑二書讀史者極稱之此亦有疑所不必疑者如衛

世家莊公五年取齊女為夫人好而無子梁氏曰取齊女何以在五年未

確按碩人詩明曰衛侯之妻其為即位後所娶可知春秋譏喪娶三年諫

聞至四年始聞名五年始娶碩人詩說于西京郊娶以春時若在四年之春昏

禮豈能盡備如史公可謂善說詩者也又桓公三年弟州吁驕奢桓公

絀之州吁出奔十三年鄭伯弟段攻其无不勝止而州吁亦与之反十六年州

吁收聚衛人以襲殺桓公州吁自立為衛君為鄭伯段欲伐鄭請

宋陳蔡與俱三國皆許梁氏曰傳無出奔反襲之事州吁反段亦不知何

據伐鄭修怨為叔段乎哉按此說无沈史公所據亦盡在沈沈史公所見

左氏皆古文為在子駿先安能據今所見之左氏以疑史哉即以左氏傳
澄之太祖出奔共實注共國名杜注今汲郡共縣其地近衛又云鄭共叔
之亂公孫消出奔衛衛人為之伐鄭取廩延鄭人以王師魏師伐衛南
郵州呼修慈中修慈其為叔取無疑而共叔之子在衛近國州呼占之
氣類相同亦左之意中事此區可以史為左之要澄以何疑焉

初十日晴

何工舍 書寫 由林西來辭還大埔

漢上谷郡之軍都縣讀為渾史記絳侯世家屠渾都正作渾說文渾
混沅聲也一曰沅下貌温餘水東至路南入沅此地為沅下之水都身

閏八月

庚寅

十二 豐潤張氏瀾

十一日陰有風

復八弟書九弟由蘆台來津

全謝山鮑琦亭集外編賈子新書跋云太史公言漢文帝雅器太傅將任以公卿之位大臣多不之喜遂以年少初學黜之予竊以為洛灌當時賢臣不應至以攷應仲遠風俗通是時大中大夫鄧通有寵於帝太傅與之同列獨不為禮恨而擗之目漸見疏此係太傅立朝大節太史公及交其孫乃不為之表章可謂疏漏史稱鄧通不過目謹其身絕無他能觀仲遠所言亦有畏矣隨園隨筆載汪韓明之說則深不以應為為然略謂鄧自黃頭郎至上大夫漢書雖不載其年月而寄生人

家則在景帝時其頭貴應在文帝末年賈生以文帝十三年平鄧貴
頭時賈生之死久矣梁氏玉繩謂傳其間謂史云絳灌東陽侯馮敬之屬
盡害之下一屬字通在其中或辨鄧通不與賈生同時者非是祖全而排
注也然注說本不盡明案史記中唐嘉傳嘉為丞相是時大中大夫鄧通方
隆愛幸賞賜累巨萬丞相入朝通居上傍有怠慢之禮嘉為微言通
詣丞相府頓首出血嘉為相五歲文帝崩據漢書百官表則後二年八
月嘉為相也史稱通方隆愛幸度其由黃頭至大中大夫不久距賈生之
卒已六年距賈生之為長沙傅則十六年矣安得謂賈生與鄧同時應
氏徒以兩人皆為大中大夫附會其說謝山乃據山賈史公之疏漏夫史公文

予世掌史其於文素世身目相接祖以後教百年之應功單詞翻業
耶謝以史學鳴以論吾不取也

十二日晴

潘子靜胡芸楨劉獻夫相次來芸楨贈范文忠集一部薄莫九
弟來少坐即去

十三日陰

購憚于居集閱之

十四日晴午後陰微雨

安圃挈眷赴任過以泊夜與九弟安圃同飯話別兩見及感愜兩

從孫侍飲袁夔秋寄其詩集閱之頗雅

十五日晴

陳叔毅來伯潛寄小像及書許豫生校官貞幹至亦伯潛客也

安園行時再因作待送之並及鄙人其詩頗佳茲錄之以待和湘

南嶽立巒青蒼

不與天公管喉舌猶堪嶽立鎮湖南
張于湖臨桂七星山樓霞洞題句也

桂勝今堪續

王駱越鼓殘埋戰壘龍編專古訪蠻鄉官閑未與詞臣異政

簡翻知諫職忙我殺稔康墉日甚獨思氣味竹林長張鳴鳳

字羽王豐城人明嘉靖舉人官桂林通判所著桂勝十六卷桂政八

卷以明人姓字書名入律軍路家喜用之余未嘗守之不然嫌其

非正法取蔽也是日九弟婦二姪婦均未

十六日晴

昨夜已就枕忽先登寺不戒於火延入許姓高樓逼近署東牆擾
擾竟夕安圓亦移舟避之晨起安姪來同飯九弟辭行遂同
舟至紫竹林話別片時送者雜至亥刻始返

十七日晴

弟姪挈眷乘新裕南行晚潮出

偶記魯論子夏之問人問交於子張一章不禁慨然史記儒林傳孔子平
後子路居衛子張居陳澹士子日居楚子夏居西河子貢終於齊其時

羣賢四散雖儒術爭鳴已有各尊所聞各行所知分門別戶之勢前
子非十二子篇第作其冠神禪其辭禹行而舜趨是子張氏之賤儒
也正其衣冠脩其禮也嘆然而終日不言是子夏氏之賤儒也韓子頭學
篇八儒在子張之儒子思之儒顏氏之儒孟氏之儒漆雕氏之儒仲良
氏之儒孫氏之儒墨氏之儒在當時子張氏之學与子夏並頭並
田戰國至漢武時詩則若高行子若曾甲皆子夏之傳公羊疏引戴
宏序曰子夏傳與公羊高穀梁疏云林赤受經於子夏論語則康成云仲
弓子夏等所授定亦雅之或言子夏所是而子張之學亦無所聞由子
張言之矣若子夏狹隘不如其能崇育人才廣延氣類而卓之縣隆

人雅言之緒在此不在彼惟其法擇可否於先斯能成就英奇於後
廣交者可以返矣由以觀之天下徑行貴在文脩今之稍通詞故而不
矜細行者必非學人也

十日晴

黃花農來宗子戴自常熟會試入都得湘文書

史公孟荀列傳最有見儒林傳申其意曰咸宣之際孟子荀卿之列咸
遵夫子之業而潤色之其自序傳曰稱儒墨之遺文明禮義之統絕絕
惠王利端列往世異衰作孟子荀卿列傳極為鄭重而梁氏王繡史記
志穀深深以孟荀並列為非眼孔太小夫荀卿傳任之功近且得汪容

甫表彰正司馬氏所謂獵儒墨之遺文也孟子之功不在禹下正司馬氏所謂明神義之統化也宋儒自孟子一派衍出漢儒自荀子一派衍出何可偏廢哉

十九日晴

得子涵書即寄都屬

漢孝文本好刑名之言史記著之儒林傳最爲微妙而梁曜北以爲不可解非也觀文紀如陰收拏諸相坐律令則詔曰朕明法正則民慙罪當則民從遠列侯之國則曰朕明古者諸侯建國各守其地日食世則曰朕明天生蓋氏爲之置君以養治之陰肉刑詔則曰蓋明有虞之時而

衣冠異章服以為僂而民不犯至治也蓋皆名家諸論且其天資心迹於

刻如淮南大布之謠降侯陳皆之獄一愛弟一功后行法絕息如此不獨薄昭

新延平兩事也所特賞者為賈生為鼂錯正史公所謂明申商者惟

其學術同故君臣易於契合身或謂賈生非申商此亦漫見觀其

所上書皆正石明法之說而尤傷殘忍者則莫如論淮南二書以曰公此

淮南四子大夫帝封厲王四子乃補過之善機亦親之公證而賈生乃

為此言雖若杜漸防微實則明親逢惡元其童親子之外親兄弟

子均不當優以大國授以安地矣無怪乎唐太宗之盡誅達成長元者諸子

宋太宗之追死德昭耳班書乃以淮南子兩國亦反誅神賈生之先見則

大不然夫文帝之世賈生已為此言景帝刻數非勃之貞任著明度無
全理安與賜之獄一成於伍殺一成於子喪其時孝武雄猜法臣嚴酷
何足為據其禍實萌於生之一言蚤死非不幸也

二十日晴有風

得晦若書李于舟日都米談一刻許寄京信

讀潛研堂集有與戴東原書謂宣城能用西學江氏則為西人
所用語極透淵經韻權所刻戴集無復書蓋不能復也段若
膺所作詩經韻譜及尚書今古文疏證辛楣先生亦有書規之
段不能平也於作東原年譜中徵辛楣云東原言辛楣五禮通

故中说话多有佞是處余以為辛植先生人而學術六豈戴段

所能輕重耶潛研書有靜穆氣若膺則無處不有叶韻氣

可以覘其養矣

潛研文集乃若膺序極為推服非段与錢不平直
來戴偏強耳

二十一日晴

英觀察廷斌來談長於滄河據云曾事李勇毅見胡文忠午後

答雲相獻天獻天苗晚飯見其次子更壽

字錫眉余代行集
賢以長兩課生均高

列

晉書別本二百三十卷胡蔣之翹撰嘉禾獻徵錄稱其有晉書註

二百三十卷即此書也三庫列入存目与茅國信晉文刑耶倫晉記

同機使蔣氏當日輯而為注轉無此謬可議矣

于百精

得高陽白湖書

侯朝宗作王猛論以猛垂功告符堅謂晉正統相承上下輯睦非所可

固願無以晉為念曰推猛以秦存晉為攝大義余觀朝宗以論真

書生之論也猛之言注意於鮮卑羌虜終為人患清漸除之以使社

稷衡重情勢符秦本不當空國圖南致一敗之後慕容姚氏從而

相厄猛之以言為秦謀豈為晉謀哉況景略以後其子曜與其孫

鎮惡踈首安知不粉飾其刊使典予以彰其祖父之先見斯言

虛實未可知侯氏乃據以定論二廷矣彼生明季親見三王之一线為
廷作此論以視貳臣之在本朝者身然國不能自在而望敵國謀
臣推為亡朝冀存血食之可恥而可悲矣吁

二十三日晴

得子涵書知已赴杭州

集賢書院以滄閩賦命題諸生任據方輿紀要以滄閩始見於隋不知

漢志臨滄縣滄水首受白狼水東入塞外交黎縣滄水首受塞外南入

海臨滄縣又有侯水北入滄水注大遼水注白狼水又東北出東流分為永

右水疑即滄水也滄水南流而東屈與永會世名之曰楹倫水疑即地理

志所謂雋水北入渝也十三州志雋水南入渝地理志言益自北而南也

不攷渝水見在地志水徑而但隋始立閘為說可云數典忘祖沿流

全源矣今志但以石水為渝水也非北方河道久失攷方輿紀要云石水近黃子壽先生所修者志在水道一門

為未能脈絡分明也不知何人東筆

他日當詢之再回

二十四日晴

內人反蒼光均病意諸紛並

二十五日晴

合肥回津

二十六日晴

閏十月巳

庚寅

十九

豐潤張氏瀾

婦于均愈陳光久病王弼臣會試入都于晦若回津顧廷一黃花農

曰未得八弟閏月十二日書

趙水經補派水一篇云一清按水經本有派水篇今失之矣寰宇記定州

安喜縣派水下引水經注云派水歷天井澤南流所播為澤俗名

為天井按初學記引水經注云定州派水北流迤大核山大核山疑是

大派山之瑞大派山在今阜平縣西北五里其東又有小派山以派

河所徑得名說文派水出鴈門後人戍夫山東北入海按山海經郭

璞注今虜派水出鴈門函城縣南武夫山戍夫武夫皆秦戲之

一名顧祖禹曰蓋以澤派為即派水也此說非是蓋派水與虜它同

出山身派水源見說文尾見本注其中所歷之道僅定州一語

較之他篇夫脫尤甚段氏有水經無派水一篇駁趙氏七致謂

說文派水即庠它之原水經無派水所謂派河又曰派河尾乃言

清淇漳洹潞易決濡沽七序茫罔踈在海淇水注河兩篇經注

惶然趙氏所引初學記寰宇記未可信余按若膺墨守戴氏致

有此誤魏書道武紀皇始二年帝進軍新市賀麟退阻派水依漸

洑澤以自固甲戌帝臨其營戰於義堂陽大破之是魏時確有派

水之名不得云派即庠它道武紀上文屢言庠它若派寰宇記定州蒲陰

縣派水在縣西二十五里孫刻元和郡縣志安喜縣下引輿地志盧奴

北臨滹水南面沱河杜預謂管仲城是也方輿紀要正定府屬阜平縣有沱河在縣北志云源出恆山經大沱小沱三山入行唐界亦南沱注于
虜沱定州下云沱河源出阜平西山舊由新樂縣流入州界今涸新
樂縣下沱水縣西南十里舊自行唐縣流入境又東入定州界是
直隸朔有沱河說文沱水起鴈門後人戍夫山東北入海按地理志後人
屬太原不屬鴈門後志鴈門上無後人縣魏志武紀建安十年遼西單
于蹋頓尤彊數入塞為害公將征之鑿渠自呼沱入沱水名平虜渠
又從洶河口鑿入潞河名泉州渠以通海通鑑慕容麟追長孫肥至沱
水胡注沱水在中山評書云東入海今水經注河篇云沱河與清河合

東入於海清河者孤河尾也善長注云注水又東南合清河今無水清淇

漳洹滹易深濡注庫池因隸于海故徑曰孤河尾也是善長時治水之

徑流之為庫池西奪故以庫池由此入海釋陰孤河尾之意而孤与庫

池漢分魏合之迹本目分明庫池之源在秦戲山今山西繁峙縣漢志代

郡鹵城下庫池河東至參戶入庫池別過郡九行千三百四十里并州川從

河東至文安入海過郡六行千三百七十里此与泚水之出後人或夫山似非一地

今二統志以後人及鹵城皆為繁峙縣似不編趙阮敦合為一則當以泚水附庫池而不必別出泚

水篇矣若泚即庫池不知魏志所云繁庫池入泚水者為何水也後志

引作入泚大誤征為九連道不往河東也戴云泚河尾段釋以為諸河之

尾鑿哉

二十七日陰有風

陳容民辭行入都

畿輔安瀾志沙河古派水源出山西太原繁峙縣白坡頭景云與庫陀異源分流至祁州三岔口匯唐滋三河為豬龍河水道捷網庫陀北徑靜海西境與西北來之清水河合清水河即拒馬涑唐之委匯也是今之派水尚與庫陀合注河入海之水僅略同段氏以安瀾志為王履泰竊取戴福何於戴福竟未究心而強改派水為派河又武所以為派河即諸河也

元和郡縣志深州饒陽縣州理城晉魯城也公孫泉叛司馬宣王征之

擊虜施入沁水以運糧日築以城蓋澤沁有魯施之名曰魯魯後

魏道武帝白王始三年車駕幸魯以即此城也滄州魯城縣下曰平魯

渠在郭內魏武北伐匈奴開之大海在縣東九十里太平寰宇記深州饒

陽下云饒陽縣即後魏虜渠以置虜以鎮於此饒與元和滄州清池縣

下云平虜渠在縣南三百步魏建女中於此穿平虜渠以通運漕水

戎匈奴又築城在渠之右大海在縣東二十四里又云隋開皇十一年在

章武縣置魯城縣遙取長蘆縣以平虜城為名仍改虜為魯

者蓋惡故虜之字也杜佑通典饒陽澤沁河舊在縣南中元

武所渡魏武自饒河故津決令北注新渠溝而在今縣北按魏志

公孫淵傳晉書宣化無難渠事但云運船至遼口徑達城下以持循

魏武故運道耳其渠在饒陽迤於滄州之海清池縣證以水徑俱

水注河兩注則派水入海之迤甚明水徑以清河合注者為派河之尾是

知水徑為三國人作郡注以清河北入岸泥者謂即水徑之派河尾是知魏

時岸泥合派入海之迤與魏所穿渠之迤合故注河注言岸泥而派在

其中即言清其而派亦在其中蓋以派為正幹他水以派為尾明耳

二十八陰

陳光就愈李贊臣葉子晉均來

畿輔安瀾志有一重公案見段氏徑韵樓集此書王履泰乃捐職

通判竇竊戴東原稿始方恪敏聘東原修此書稿未竣而恪

敏薨禍入代者周公元理手王乃周之姻也既而有何夢華者言

此書乃趙東潛作乃孔氏誤收入戴氏書段氏以趙書僞戴定

為趙創戴刪云趙二百三十三卷戴二百三卷至張石洲先生則以東原

王志五十六卷

盜全校水徑注及趙河渠書懸為世戒謂戴深歿趙書而於唐

河卷中附趙盧奴水者一篇曰杭州趙一清於地理之學甚核嘗

游定州為州牧姚立德作盧奴水跋並附於右一似趙氏絕無與

於此書者作偽頭庶可為鄙歎據此則東原已巧取於先王

履泰以豪奪於後王不足責東原何為此穿窬之行也今趙
戴兩書均不可見而王志亦未見精核姑志之俾與西郭莊子注
何却中興書鼎足而三也

二十九日陰有風

伯行自外洋還寄八弟書未封而得其十九日書及紙扇兩柄筆四
枝得梁山本月十日書並小像二

義山詩如烏鬼以席鷄為牛同用前人之機矣可歎晉秦宮赤鳳逆死陳
王與梁家趙后並用二嫌重複隋宮日角天涯之對上句無乃硬澹而世皆以為
佳耳食而已

三月初一日陰有風

過晦若碧雲齋鄭子雲米

晉書宣化魏武討孫權軍還權上表稱臣陳說天命魏武曰此見欲
駭吾著爐炭上耶答曰漢運垂終殿下十分天下而有其九以服事

之權之稱臣天人之意也虞夏殷周不以謙讓者畏天知命也葉裴松

之魏志注引魏略作陳羣桓階語上文方言仲達以漢運方微不欲

節由氏在乃為此勸進之語果由仲達益證狼顧之為反相矣然晉

書采此定是無識

初二日晴

伯行入都

偶閱范文忠集及朱祖父北行日謹知吳橋友誼之篤其於周太
 常則資金為之完贖復集資為孤寡生計於黃相安則為之作
 傳自言世道交喪得不維持交道可以不孤又云勿友一倫不至獨往
 于世此所維係甚大其推崇朱三復如此自命可知矣公之大節婦孺皆
 知特化此一端以愧末俗

初言晴

復高陽書脩禊日與閩人林香瀚茗水久

初言陰

得趙惺曆書

晉書羊祜傳祜父衛上黨太守祜蔡邕外孫又云祜前母孔融女生
允敬北海有席首中郎之感而女竟因適人亦是佳話范書孔傳
女年七歲之為操所殺不知何為有女文姬有才無節而叔子之母以
所生之子承與操俱病專心養敬極有母道世位知文姬而不知中郎尚
有女叔子之德能使南州墮淚而身沒之後帝命發子隆為嗣隆以
父沒不得為人後不奉祀今隆弟伊為後又不奉祀隆伊豈有歉于叔
子耶余疑叔子以與馬子元為姻助晉督魏臣抑收奉隆伊不願後
之或之褚淵之子實讓封意未可非也

初五日陰

李叢米得允言等書李貴臣過談

南齊書褚淵傳子貴服闋見世祖流涕不自勝上甚嘉之為侍中領
步兵校尉長史左民尚書散騎常侍祕書監不召六年上表稱疾讓
封与弟羨世以貴恨謝失節於宋室故不任仕南史謂貴常謝病
在外上以此望之逆祖令辭爵讓与弟羨初唐墓下業貴以父皆表
榮等附高帝深執不同終身愧恨南史云則辭爵出於貴意不
關帝之祖進也不得占羨子頭爭審

初六日晴

孫毓汶許應駟貴恆沈源深典會試伯行以楊崇伊分校迴避不與
試

巡撫見於唐景晉書劉頌傳咸甯中詔頌與散騎郎白襲巡撫
荆揚巡撫之名殆始於此謝中傳西冀正復德督總督之名殆始於此

初七日晴

天津新設集賢書院試各省寓津之士誦席由由京官兼之頗形
廢弛同道等堅請余為院長昔中公得靡遠教授目給王式嚴
徒隸不教授我各有當距論錢香事才一月也堅辭不獲姑就
之脩俸甚薄庶處不爭之地而生徒既有裁正亦成就後子之

義也念肥幕府徐故齊書米見司道畢即答之徐紹興人

寄籍清苑陳子故幕友歷充鄭王軒張樵野參贊習於洋

務

初八晴

鄒岱東前輩米

初九日晴

答司道府得九弟書

初十日雨

花香撲人麥事可想為三農慰也

十日齋

以鮒魚寄高陽師又作書寄允言等

晉書孫盛傳時丞相王導執政亮以元舅居外南蠻校尉陶稱
讓構其間導亮頗懷疑貳盛密諫亮曰王公神情朗達常
有世外之懷豈肯為凡人事耶此必佞邪之徒欲間內外耳

亮約之徐按觀此而知亮之殺稱為失刑矣仇傳附稱以南蠻
校尉似節與諸弟不協咸康五年見亮大會吏佐責稱前
後罪惡露去亮使人於關外收棄市証以他罪仇動在王堂
其子罪不在不赦之列何取專斬蓋恐列上則導必赦之其而

以必殺之者必稱目附於導政也亮本疑仇在前以忘導於

後而稱以仇子為導董取禍固宜更以謀構其間合混教

道反似稱構導於亮者轉若稱反復傾陷而亮之的世國

為雅重殺陶稱為果斷矣豈其然乎
亮傳陶仇嘗欲舉兵廢導而却亮不從乃

正至是亮又欲率眾黜導又以證差而鑿又不許導傳南蠻校尉陶稱問亮當舉兵內向或勸導密為之所導曰兵

與元規休戚是同若未兵便怖中遠第復何懼哉又與稱書以為庾公國之元舅宜善事之於是謾胡遂息

此導以計賞稱目全耳
仇之為

人決不肯稱兵廢導亮則實有忘導之心特為稱洩之於

內又為差制之在外未可輕發遂殺稱以洩其忿耳亮書

驚之稱之入告豈得目為慙之談或理而出之勿使閤校尉蒙
不忠不孝之名千古無人昭雪也

十二日晴

過晦若略話覓一寫官為錄書升

晉書郭璞葛洪不入執術傳隱逸傳直不可解景純為王敦所害
或以其大節特傳之稚川傳前日從祖吳時學道得仙號曰葛仙公未
日世以為尸解得仙云以史臣無識真以為真仙身可笑也

十三日晴

寄子涵書

七賢中阮籍最下顏光祿屏山王不屏阮乃以阮居嵇先實不可解
 蓋其詩出於悲憤今非宜論虞預論阮籍裸袒比之伊川被髮猶
 屬未減史傳稱其本有濟世志屬魏晉之際天下多故名士少有全
 者由是不豫世事酣飲為常蓋若鄭冲作勸晉王踐母德與客圍
 碁笛與決賭直一不忠不孝之人身願以辭將解為不董吐血許
 為至情真慘說也

十四日晴

李贊臣來九弟來電知已到粵

晉書忠義傳頗雜如王育為振武將軍為劉元海所拘以為太

傳初未死節乃目為杜宣王傳宣不迎王攸攸怒之晉執刀叱攸叩
目為義大節已虧此節矜意氣者能之乃以殺身成仁者並
傳乎

十五日晴

都中十四換添帽
津門則十五

得祥仁趾書客有話春明瑣事者聞之慙然

曹志乃陳思學子史稱其勇簡有大度余觀其傳志實無志齊王
攸將之國志恨其文不得志於魏目愴然歎曰安有如此之才如此之親
而遠出海隅音其殆哉乃極論之帝覽議士怒策免太常鄭默
免志寔以公還第夫志為魏之近屬而豫篡朝骨月之謀於晉

太忠於魏太恕是二不可以已乎

十六日晴

十七日晴 五夏

十八日晴

十九日晴

得八弟書作書及之頗覺語長心重

二十日陰夜雨

寄允言等書並致仲彭一帑

廿一日陰雨開霽

二十日晴

子涵目江甯疎籜之干飯子清七子家事頗覺斟酌也

二十一日晴

陳容氏由都回子涵回都

二十二日晴

二十三日晴

二十四日晴

二十五日晴

二十六日晴

二十七日晴

庚寅

三十 豐潤張氏潤

昨日弼臣回久香同伴六至冬出關菴相示聞有以古注發揮

者攷集解本性者人之所受以生天道者元亨利貞之道李亨

傳以性實与天道為易春秋後漢桓譚傳注引鄭注謂性為人受

血氣以生有賢愚未凶天道七政交動之占潛研堂文集歷引

諸說謂性与天道乃是性合天道聖次車錫為楊倞荀子哀

公篇注所引竟有以荀子知不務多務審其所以言不務多

務審其所謂分在兩章者然以審其所謂指言性与天道

實不可為利也

二十九日晴

三十日晴

許竹簣昨來答之

徐堅譏曲江之文如輕縑素練實濟時用而實是邊幅迷妄
稱其感遇諸作神味越秩可與陳子昂方駕文筆宏博典
實有垂紳正笏氣象堅以盲隘求之不足以為定論余
謂堅後其文非後其詩也仍取曲江集玩之貶官以後詩尤
見身分如郡中見鶴云遠集長江靜高翔派鳥稀何等超
峻世乃傳其詠燕詩無心与物競鷹隼莫相猜自謂自解於
李林甫何其以小人之腹測君子之心也

四月初一日陰雨爽甚

得安姪書今日登輪舟赴粵

初二日霽

得九弟書

初三日晴

初四日晴

至院舍一游

初五日晴

初六日晴

王楊盧駘當時體不廢江河萬古流四傑之名得若杜以作大為
生色余尤取駘之詩如從軍中行路難帝京篇疇昔篇代女
道士王靈妃贈道士李紫渚作均沈欒頊撰乃七古之佳者少陵實
胎息於此其五言律如望月三晚色依閑近邊聲雜以哀何等悲
涼過故人任處士書齋云網徒寇女亂苔深履迹殘何等真摯
夕次蒲類洋云山路猶南屬河源自北流晚風連朔氣新月照
邊秋何等渾成早發渚遠云薄煙橫絕嶽輕凜澀回湍何等
細膩其品格在王楊盧盧之上詩武后一徵潭之正色是使北鷄眼
首段五王乘其老荒艸之八兵反正尤為光明磊落也

初七日晴

寄八弟書

初八日晴

初九日晴

合肥入都時恭邸寄具草錦吟八冊見賜並屬題歌唐

集白因勉集唐人句為五律十六首應之孔毅父武仲集古

人口贈東坡吸答之有曰千章萬句卒非我急走捉君應已遲

此詩中之戲幻非正格也荆公邀吸公集六研詩吸公率亦曰項匡

斷山肯坡非不能而終不為所見高矣

初十日晴

都城是日填榜合肥王姪經奮中式豐潤無人館師下第

十一日晴

復九弟書得八弟書

十二日晴

寄朱子涵書

十三日晴

子涵寄伊墨卿畫錢竹行隸書朕並扇鏡等件

十四日晴

閏十月已

庚寅

三

豐潤張氏瀾

靈樞經水六尺之士皮肉在以外可度量循切而得之其死可解
剖而視之其歲之堅脆府之大小穀之多少脈之長短血之清
濁氣之多少十二經之多少血少氣與其少血多氣與其皆多
氣血與其皆少氣血皆有大數近日西醫因治病頗有死後剖
腹之事似以法漢為有之俞理初先生引華佗傳飲麻沸散
斷腸破腹證之以剖治生人与經剖治死人極不同又疑死人多
氣少氣不可視不知經乃承度量循切非承剖視也

十五日晴

作潤師書初五日又生一女也

周禮秋官序官都則中士五人下士三人府二人史二人庶子四人徒十人注都則主都家之八則也當言每都如朝大夫及都司馬云俞理初以則為虛字言國与都之朝大夫其人不同其職掌同也朝大夫如言山衡林衡之類每國者如言大山大林麓之類都者如言中山小山之類按都則之官已闕朝大夫職掌具存乃掌都家之國治日朝以聽國事序官每國上士二人下士八人云云不得每都復設朝大夫也惟注父之目兩岐既言主都家之八則又言每都如朝大夫及都司馬疑上高乃舊注鄭康成則云當言每都如朝大夫及都司馬俞即言當言每都之注而遺之總以都則已闕故言人之殊其實實通任殊不爭以此

十六日晴

寄八弟書並高麗箋二斤

姚少監以武功三十首得名人稱姚武功在北宋不甚顯永嘉四靈始奉以為宗提要謂末流寓業於瑣屑寄情於偏僻由摹倣者滯於一家趨而愈下不必追咎作始懲美以儆按集中有與裴晉公詩又有與白樂天李公垂詩其取友之端可想然上與楊汝士輩唱和是能不阿附兩黨者其人宜可取其詩宜可傳矣但以為文昌三五友聲出之師猶未盡也

十七日晴

十八日晴

十九日晴

永詩目都回

二十日晴

答永詩買舊墨十餘枚內有元墨一丸吳蓮洋墨一笏

乃上品也

二十一日晴

二十二日晴

得陸世元書月湖先生之子名慶甲慶頤字養泉家貧求助

三三三晴

仲彭回署

西洋鍊鍊為鋼於是論洋務者紛其以剛為泰西獨得之秘李時珍本

草謂剛分三種有生鍊夫熟鐵鍊成者有精鍊百鍊出剛者有

西南海山中生成狀如出石英者凡刀劍諸刃皆是剛鍊也余業說

文鍊剛鍊也可以刻鏤又鑿剛也段氏謂剛乃剝之候引刀部

剝刃劍刃也刃下曰刀鑿也為證不知鑿從臥得聲堅剛同意

似以鑿利剛為是鑿即刃之剛鍊屬剝鑿利鍊是

其確證

二十四日晴。

小傳臚狀元吳魯榜眼文廷式探花吳蔭培傳臚蕭大猷李

徐奮三甲二名

二十五日晴

借再同明十行無注本覽子問月間授之錯誤不可枚舉今日擇其可取者摘之以原書寄還並作書復之

二十六日晴

楊洛鑒

雪廬壬午副榜
戊子舉人

劉麒祥均未見

二十七日晴

閏行月已

庚寅

三六

豐潤張氏淵

答劉康侯目一帛劾剛侍郎其眷屬回南也

天白晴

茶孫自粵回得九弟及安姪書蘇福由都回得允言書

二十九日晴

望課以晉書禮志書後命題諸生均取三節立論無能通閱

三卷者或取錢氏攷異無能以宋書禮志對勘者蓋院中高

才生惟楊雪廬天餘皆文士而非學人耳

別有攷勘詳之

偶讀袁清容集其開平第一集如雨中渡南云瘦馬蹴亂石

高下鬪其蹄涉燉沮水深漸覺所歷低彈琴峽云下有戰士

骨鳴咽水中鳴又云為世董風信散被巖下情第四集開平三度
端陽云停車俯首不得語鄰牆簫聲雜駝鼓按清客當元
極感之時身踐清華任米危從故其詩偶如勞者之歎而非
怨夫之語不足狀曩方冷苦也楓石昨未談及舊時行後有感
循生聊亦書之

五月初日晴

復袁爽秋書

余愛沈石田書不可得則求其畫畫不可得則求其詩陳明卿
驥耕石兩本湖于均有之或較徑微倦或讀史餘閑淪差在香

一編橫榻立以辟睡魔祛暑氣偶記其畫松曰云吹燈照影
蛟起舞直歎排空掉長尾沈書學山谷嘲谷書者執云楮
梢挂死虵余謂死虵乃黃書之病舞蛟乃沈西之神實則
西印迷書黃即來沈字黃沈者當不舞蛟句作死虵也

初二日晴亢熱

王楓臣來談

龍翁家歲集跋山谷書頗多今錄之跋草書李日贈懷素長歌曰
山谷寫以秋所謂飄風驟而落花飛雪等語雖目謂可也跋沈啟南
所藏墨蹟云山谷論書云凡書要拙多於巧近世少年作字如新

婦子梳梳百種點綴無列婦態觀此老杜二詩乃其所自信哉其
為列婦也與歐陽公謂蘇子美論書而用筆不逮其所論者異
矣沈氏子孫宜世藏之跋陰長生三詩云陰長生此詩非山谷書之策
沒于世然以卷半為世所重者豈以其詩或抑之刑曹好藏古法
帖能識其妙以又其先博士公時所藏又其家之故物云跋發
願文云啟南所藏黃書數種予嘗獲編覽當以此卷為最
題李職方所藏草書云昔東坡見山谷草書後旁稱歎錢
穆父獨惜以為未見懷素真迹後山谷見自敘帖書法頓覺
大進不審此卷作時是常見耶抑或未見耶職方深於書者

歲以其必能辨之跋山谷草書云故太常崑山夏公所蓄蓋出
煨燼中故其下並缺一字今大理寺副德聲以以為先世物手
補完之與真迹無異自是為夏氏後人者尤宜寶藏不特為
古法書矣跋西書山谷懶殘和尚歌云山谷好佛故書此歌其
著意然其平生固未嘗一筆率易也七跋均澤有得於黃
故其語極中肯綮其時吳學蘇沈字黃均得神似顧沈宗朱
文公說以宋四家蔡端明第一沈次黃次米而龜翁所云米第一
筆率易尤為學黃第一契此處觀以可曰蘇黃之通可得
吳況之合善學者必身守一家為依門傍戶之見必不能成一瓶

也

初三日晴甚

午後劉獻夫來得八弟書

啟南有詠錢五首頗立破世如云有堪使鬼原非謬無任呼允亦

不來則曲首炎涼之態昨日嘗文留短陌免放愚虜消空業則

酸摹酸盟之垢結云祇除義士并廉吏萬世貫填詞不易關

則看低多少世人矣其落花詩通園極賞之非無佳句嫌其三

十首六甚一意耳

初四日晴

過悔若少談復九弟書夜間思有所營右手忽微傷作痛

余最愛陳壽志悔若云其止友林主事國首有漢裴注一卷攷證

極審其尤國廣亦添於史學陳蘭浦謂之二林

兼廷由都諫言今科本以文廷式為狀元固策仿宣公而後以閱

間作閱面抑置第二云

初五日晴是日夏至復八弟書

午節無事午微疲仍校晉志以漢漢志通典訂之所得益多記

管子輕重已篇言迎氣五郊與月令合決為冬官之一節為淺人

割是篇數其出郊里數有四十六里九十三里一百三十八里之遠余已

據劉芳傳正之矣漢志云永平中以禮識及月令有五郊迎氣
服色自采元始改平兆五郊于維陽注引月令重向東郊八里南
郊七里中地五里西郊九里北郊六里斯為確據復以皇覽佐之
管子之義大明矣

初十日晴

晦若米談許豫生來知陳叔毅朝考一等官印潛書

典略云琳作諸書及檄草成呈太祖太祖先苦頭風是日疾散

即讀琳所作翕然而愈日以愈我疾數加厚賜今人以三國演

義故輒為採讀孔璋為袁紹檄徐州之作傳之採而自愈頭

風可关之至

初十日晴

合肥至海口，駘平遠，船薄莫，即蹂乘鐵車也。天津已初急雨，一陣而海，則未初急雨，一陣，漢波公浙西飛雨，過江未，以真能測天者。

劉先主以英雄見忌於操，武侯亦稱其延攬英雄，顧在徐州如陳元龍父子先主極與周旋，而在先主作牧時，亦因其為先主畫一長策也。呂布取徐州，登乃為操作間，豈其時操奸未露，故耶？天韓嵩之說劉表，張昭之勸孫權，亦時以操為漢相。

原有此一種迂儒潔論亦何足責元龍文武膽志感為先之
而推乃之關疎以此特韓為張昭之後身何云造次報口以
也吾見元龍之止能以下牀臥之安得列百大樓耶

初九日晴

得允言復書摺亦回也念弟妹遠宦一身活寄欲隱無謀胡
甚呼酒之惡薄飲不醉是日寄語所購氏函書並以廿元
寄陸世允澤母千金人生快意寧余半生落拓杖師友
每先施未能真可愧也

初九日晴

合肥之弟辨菴先生歿于蕪湖

初十日晴

牽控傳注子秀字成叔首縲蕪州託王愷令都官誣奏秀夜在
道中載高平國守士田照妻秀即表訴被誣陷之由論愷穢行
文辭尤厲朝臣難多澄明秀在田是而損控秀辨注可也反
脣不可也君子處讒謗之際當知所處矣

十一日雨

伯平自大同來寓六吉庵往候之暢談片時

十二日晴

得八弟書

十三日晴

借集賢書院與伯平小飲自未至戌甚樂

十四日晴

摘三國志注疏欲理水經注笑

讀蜀志劉彭廖李劉魏楊傳感悅係之以昭烈為主諸葛為相

而所誅戮尚如此耶封之不故荆州嚴之違錯章著固當非矣彭

廖特自言誰劉感頌與楊威公僅同子魏文長不社時欲侍父長不

得不廢感頌身舍之魏之崔季珪輩矣之張惠恕輩君于慶世

惟有胡越保身而已

十五日晴甚涼爽

得吳慎生書

蜀書杜周等傳讀之極有味如杜微之稱龍耳不出與進用之勸

降雖此致不同然國強時多一隱逸何損國弱時即文人不為其

臣而皆為隱逸亦何益冰祚蓋係非蜀之無才以正於上君德尚

第三義也孟光未敢壞之權亦以爭經義在國授之世止合來之

高閑如李欽仲之好技藝算術等皆器械似才不才流焉死

或連弩皆足參領其制度何以亦同諸人合傳曰立國在道不

在瓶在人不在器也不求將相之大才而徒恃工匠之小智亦何足以
立國哉君子之務其大者遠者耳觀其取孟光對卻正德日今天
下未定皆意為先知早視小儒目光如炬也

十六日晴

朱久香來談

李勝為魏明帝禁錮曹爽用之曰馬懿以不悅遂坐爽堂以
死承祚無傳裴也期以魏略注之略見生平按水經濟水注魏正
始三年歲在甲子被廢日詔書制河南郡縣自鞏關以東創建
滎陽郡并戶二萬幸以南鄉筑陽亭侯李勝字公昭為郡守

故原武曲農校尉政有遺惠氏為立祠於城北五里號曰李
君祠廟前有石梁上有石的石的銀具存其略曰百族欣戴
咸推厥德今猶祀禱焉與魏略所云未嘗不稱職合猶恨其受
仲達死語之強使曹爽兄弟無所顧忌俱出朝陵相從族滅禍
及當塗殆為不智此如懿之殺猶匡剛實之非常情所能料
耳

十七日

寄趙善衫書得九弟書知安國須月抄始可抵桂林吉雲帆未
程並明云同時字人以錢辛植為第一友人以袁簡齋為第一迹時如

王蘭泉洪祥存均極力推崇乃其後蒲禱山房及此江詩話大有
微詞何也觀此知面諛之不可信又覺目論之不可憑

十六日雨

合肥師云向來無乾斷流其年雨水必多今年水定河斷流
至十餘日決不憂旱矣

孫夫人還吳一事余最不解參之法正傳權以妹長先主妹才捷剛
猛有諸兄之風侍婢百餘人皆親執刀侍立先主每入衷心常
凜故武侯云近則懼孫夫人生變於肘腋之下遠則婦人從夫
何必有生變肘腋之理也殆諸葛之戲言決非夫人真為

紫髯由關挾通昭烈也注引漢晉春秋云先主入益州吳遣迎
孫夫人夫人欲將太子歸吳諸葛亮使趙雲勒兵斷江留太子乃
得止亦恐非實總之孫劉本屬強合先主入蜀夫人偶歸母家
而益州既得權則志在爭荆而不肯送妹先主目矚漢中不日不
讓三郡外和內携即不肯迎婦而孫夫人遂永街離恨矣武侯
魚水君臣獨在三郡讓美之日不能微言感動備禮迎還外拜
敵曹內正官儀乃使法孝直入晉父子園之言聘劉瑁之寡妻
為漢中之新后無改而追禮教王化之本福矣夫孫夫人復還或
不足因吳蜀之好而孤夫人在遠實足越吳蜀之嫌武侯于先主

身後堅至和矣而於此事則疎渺也甚後人不放荊州為元失
焉

十九日陰

王西莊以周公瑾子允罪徙廬陵疑權欲專亦辟功而允或恃父
勳致有以適乃臆說也孫周布衣昆弟之交似大帝於公瑾身
後無所用其猜忌允功臣之子醜淫目忌權之合誼必愛指其
罪非無過見徒如虞仲翔比也世祿之家鮮克由禮豈能
子盡元宗歟曰台棠愛林況具子孫而為勳裔者一味
驕奢淫佚何以克承世澤耶西莊之論為薄視勳臣者

勸余之論為仰承世賞者箴似各有當年

二日陰

答吉重帆

湯伯述以其祖父端公七十五後手寫九經索題按三國志白朗
傳年踰八十猶手自校書刊定謬誤齊書沈麟士傳年過
八十耳目猶聰明乃手寫細書成三三千卷文端以亞相左遷
清老而精力尚能以誠人端也文端立朝去節不撓確
然有守自隱志耶左遷再自林文忠公左遷其風骨
可想矣為之作五絕句以志景仰

二十一日雨

過海若海若喜薤菜曰蒲何子貞先生免海菜詩有苦瓜香
薤終朝見就中最美金鯽魚以爲美樂眾皆讀薤如瓊
集韵收入鍾部無反音也秘金南方草木狀薤菜如落葵而小性冷
味甘動人編葦爲筏作小孔浮於水上種子在水中則如萍根浮水面
及長莖葉皆出於葦筏孔子隨水上下南方之奇蔬也治葛有大
毒以薤汁滴其苗苗時萎死世傳魏武能噉治葛至足云先
食此菜

二十二日雨

自村親以千字文與百家姓課學僮於是題致率曰智永千文或
有作千字文者輒笑其陋按舊唐書柳公權傳宣宗在昇御殿
御前作三帝一帝曰永禪師千字文得家法十一字則省字字非
也

舊傳公權咸通初法少師又曰大中初改少師必有一誤咸通六年
卒年今八新書云咸通初乃以太子太保致仕卒年今八無舊書
則年不可攷矣

廿三日晴

王弼臣來談

關先師倭文端公遺書 公傳

穆宗時上古帝王事迹及古今臣工奏議二帙賜名啓心金鑑上卷
為帝王盛軌下卷為輔弼嘉謨 公掌院時定接見之章
續編緘檢分期以學問相切磋時開同文館上書爭之
以興政府忤然上今日文館有何程致公之見偉矣
余渴公僅聞教語茲猶然可親循之善誘覩其德
養之深及會試獲雋則公已疾亟旋騎箕尾所作
為學大旨專主程朱余半生所學殊無可強附師明
者並無論漢宋要以立身行止為先此則服膺弗

失者身深觀時而眷念若成信乎生有目采者也

廿四日陰

吳慎生嘗有羅念庵書一卷子屬題其文曰書曰必有容德乃大必

有忍乃濟君子立心未有不成於容忍而敗於不容忍者也容則

能恕人忍則能耐事一毫之呻有勃然而怒一事之違即憤

然而發是無涵養之力薄福之人也是故大丈夫當容人而不

可為人容當制欲而不可為欲制觀妻師德而吉之為人則

氣日平而理日明矣

補人廣坐之中不可極口議論逞己之長

非惟惹禍抑之傷人惟有簡言語和顏色隨問即答庶幾

可耳羅洪先書在澹泊甯靜辰前題國室室不作寶乃

明世廟書並有題云朕觀羅洪先字真有仙筆氣力其語

言談論以思辱為心卿等當環坐右經之狀元去去慕道訪

仙朕切念之付翰林官秦鳴雷諭各官欽遵嘉靖二十三年

菊月既望于時書于端明殿署時不署日可異後有方沃園王幼華

兩先生跋沃園跋云往在慶州學官見先生四箴碑乃正書

清勁之氣肅人心神未多見其行草今觀此卷如飛仙散

聖神游八表洵如明世宗所云有仙筆氣力至世廟御翰從

未得見今日何幸獲觀三寶若遇合之壽歲月之符則南宮

之得蘇才翁家穉恆相与行狎信神物之蹊異士默有日存
宜梁汾之珠珎也康熙十三年歲在癸丑菊月既望龍眠方亨
咸同毛行九志是見于萬齡觀于東流舟中幼華跋云父恭先
生書法歸見於淮揚江氏家翰墨環陪玩之竟日不忍去今觀
斯卷如對故人殆崔瑗所謂纖微容妙放逸生奇者矣容
忍之說与和風慶中三喻互相發明真千古格言余得從梁
汾先生屢觀之晴窓花發清和滿目竊幸其遇之奇也乙酉
三月邵陽王又止徵按念庵以嘉靖十八年召拜左春坊左贊善
踰年至京上常不御朝十二月先生与廣順之趙時春清以未歲

元日皇太子御文華殿受百官朝賀上曰朕方疾遽欲儲貳收朝
是必居父不能赴也皆黜為民三十七年嚴嵩赴唐順之為兵部
主事次及先生先生以畢志林壑報之四十二年平
以上徐州儒學堂
明史則云陸慶
初二十三年據先生辭官已四年世宗既添賞歎何無赴用之
惟此際既播則時相必相率禱薦又何待十四年後分宜柄
政始與荆川並赴我疑不能決遂以是卷疎之不敢平趙也

廿五日晴

廿六日晴

寄安姪書

廿日晴

得表奏秋書言曹瞞累勝而士不附劉豫州累敗而士附余謂不
然如表漢為豫州所舉茂才雖不為呂布馬先主然而敗誅曹不
隨先主也裴潛避亂荆州劉表待以賓禮潛以劉牧非霸王之才
遂南適長沙參丞相軍事論先主居中國能亂人而不能為治
如元龍父子先主占上周旋而元龍遂為曹守廣陵即入蜀以後
如許女休劉子初二皆心向曹公特無路自拔勉為蜀用耳所以公
者操以漢相之重挾累勝之威登鱗附翼者爭欲藉以成其
其勢易集先主崎嶇奔敗妻子不能顧何能養士之相

周旋者不過矜乾靡竺下材為鄰下之所不用者焉能自
矜異之材哉幸而漢壽未誅武鄉感激以死志業附名
然終不能撫荆土而守中原者實以徐州作牧無厚第厚力
以首固流裔積年天下車已空而先主亦老矣豈非天歟

廿八日陰

寄公弟及柳質卿書高陽以罾痛渴故作戲候之

黃權降魏已非節士然未嘗為至謀蜀也潘濬則異矣備領
荊州以濬為治中後車入蜀與督州事及權并荆土拜濬補
軍中郎將授以兵注稱濬始涕注交橫繼則下地拜謝愈形

稽偽反樊由誘導諸夷固以武陵屬蜀權益胡濬之答以五千兵

程之可擒由濬不曰已而失身在吳即不能自拔疎蜀二不必也

孟達之反復失據但由心乎故之似濬不當授任將兵親加刃於舊

國故交方合於義乃為誅儒觀一節之說快意騁才結新皆故

誠恰人也昔魯肅薦龐士元謂處治中別駕之任法當展其

驥足濬為先主法中不為不遇豈亦人國士之別乎漢書守制

之日初不明其稍少謀而入吳以後乃卓有樹三負蜀多矣承

祚謂其少清剛斯与陸敬風皆有丈夫格夫再醮稱貞何足

道哉

二十九日雨

聞山東汶泗均溢

三十日晴

以博彼韓城燕師所完解課士案國朝諸儒從王說者頗多
林江良庭至朱石曾詩地理徵陳真毛詩疏而益堅以燕為南
燕者則馬瑞辰俞正燮也胡墨莊從鄭燕安之訓而未申
其義李黼平以為韓近宜獲均在合之榆林塞外說甚難
而無根據余反復諸說而後知集傳之精也韓自是應韓之
韓蓋自是北燕特朱子曰崑崙引王肅云召公為司空王雱

治遠云召康公二為司空則非是今持政之周之命侯伯時遣召
公左氏僖四年傳管仲曰昔召康公命我先君大公曰五侯九伯汝實
征之以夾輔周室勅我先君履東至于海西至于河南至于穆陵北至
于無棣天子有二伯成之時必命韓以北方諸侯之伯故亦召公往而城
之及厲王之世而失職宣之中興以南征故伐為二大功征伐既定
以中伯為南方諸侯伯以韓侯為北方諸侯伯又皆命召公可知
召高韓矣二詩皆在甫而作其文實可互證偶文召伯為燕
師而諸儒聚訟紛紜何闕論也可笑也因申而以召高發端因韓
而以梁山發端彼曰王錫申伯曰牡駘之鈞膺濯之此曰王錫韓侯淑

旂經章篔簹錯衡于衣赤舄鏤錫鞞鞞淺懷鞞革革金凡則
錫命也彼曰南國皆曰外國則私屬同也娶妻止是當日實事故
並敘之其曰為韓媿相攸莫如韓宋亦即莊高所云我國不處
莫如南土耳申伯信邁王餞于郇韓侯出祖出宿于屠頭父餞
之清酒百壺頭父之王所命非有厚薄也故彼曰王命召伯也
執其功即此之蓋師是克罔是謝人即與同時百壺一例王必以塞
彌城為韓城非也馬俞以南蓋姑姓宜蓋為南蓋則未知前所
賦為娶妻以所賦為錫命不能公私溷為一事亦非也
宣王命伯極盛之舉實是衰機申伯王舅韓侯所娶上珍

王之甥如詩所云韓侯濟祖考為及舊職而申侯則奪齊之

伯以與之至傳於仲山甫城彼東方往齊曰古者諸侯之居逼隘則王者遷

其邑而定其居蓋去薄姑而遷於臨菑以必曰齊侯失職仲山

甫亦有諫爭故命往城臨菑以慰勞齊侯所云衰職有爾淮

仲山甫補之殆非指諫料氏事耳及幽王之世幽國不道而創

亂即申侯使非牧伯安能連合增西夷大戎以攻幽王乎南伯

既叛恃此伯以衛王室而東遷實依晉鄭弗無閉焉豈非方

伯失人哉史記於宣王事寡之蓋不以詩人鋪陳之為實迹也

卓哉

春秋時齊桓晉文為侯伯齊乃復舊職晉之伯即狄之伯也

曰晉已滅韓故即以韓之職再之

鄭注史伯曰應韓不在其在晉乎常此謂不在應狄即

在晉是時韓方為侯伯而史伯乃吹在齊而齊者必得侯之不才可知也

或疑泰苗之詩曰肅謝功官伯當之烈之征師官伯成之何以不兼及

韓滅荅曰詩序不能膏聞天下知士不能行古伯之職必得成中

往所作耳正少為古伯稱師之證蓋師即征師也

Vertical columns of text, likely bleed-through from the reverse side of the page. The text is extremely faint and illegible.

蘭駢館日記

光緒十六年六月朔日雨

蔡中郎薦邊讓於何進曰傳曰函牛之鼎以烹雞多計則淡而不可食少計則熱而不可熟孔融薦禰衡於曹操曰鷓鴣鳥累百石如一鵲使鷹者誠副其言肯為何進曹操用乎以不必各進操當於中郎北海也士大夫往之有同以失身為權門鷹犬者不可不慎

史記晉世家以文侯之命為襄王命重耳索隱云太史公雖復跡縫左氏而系家頗亦時有疎謬裴氏集解亦引孔馬之注而都不言時代乖角何曾迷而曰醉也劉伯康以為蓋天子命晉同此一

辭尤為非也佩倫景魏默深書在微最喜與時賢辨駁此篇亦復遺之史遷之說不飽如倭矣孫淵如尚書今古文注疏以新序證之詳善謂劉向六卷文家以為文公之命孔安國今文說也文侯之命秦誓二篇乃春秋戰國之兆聖人前知存以以志周之興衰耳目當是文公非文侯也索隱牽於後起乃穀史公可為安人

余讀左傳最不喜和戎五利之說然述時意在爭鄭也與諸葛公和吳伐魏相同若一意主和自以為有五利而不知害伏萬端則又魏降之而不及料耳

初二日

晚楊生洛鑿來叩其學文不甚主相成而待由西崑入手近宗山谷與社之派以書院屢列前茅即易名書無不脫穎行爲鉅
芥之契亦文字目像也

邲之戰楚策晉曰從政者新未能行令其大病在此史記鄭世家所
敘最妙曰晉同楚之伐鄭發兵救鄭其來持兩端故進比之河楚
兵已去將卒及汝汝成欲還卒汝河莊王曰遂擊晉鄭友
助楚大破晉軍於河上說盡晉軍情弊此豈宜專罪先穀
耶晉世家則云先穀以首計而敗晉軍河上恐誅乃奔翟與翟

謀伐晉之見乃族穀之光軫也。与左氏微異。蓋穀已在翟而晉族之是穀得免矣。恐不必左氏之確也。左氏誅罪二字最妙。持兩端之首。林父不殺則王戰之先穀不得不殺。身是為孤立。安存者成矣。

初三日雨

菊糲生日素心蘭始放一花是日微醉

與合肥師論曾文正余以為讀文正集有三憾一尊匪功成未表揚胡文忠追贈爵位一李兆受佞解兵權不正其害何丹穀先生之罪一天津之業也

恭近於禮也注恭不令神非禮也以其能遠恥辱故曰近於禮也
按如色說則近於且恭矣春伯篇曰恭而無禮則勞仲尼蓋居曰
恭而不中禮謂之佞勞近禮者以禮處已接人故能遠恥辱
若以不令禮為恭遠於恥辱耳何能遠恥辱哉

初四日陰午後急雨一陣夜又雨

各河均溢永定以運河決矣

景武之世董仲舒治公羊春秋始推陰陽為儒者宗今就漢書
五行志所摭者錄之 本傳無

大傳 春秋桓公十四年八月壬申御廩災 仲舒以為先是四國共

伐魯大破之於龍門百姓傷者未瘳怨谷未復而君臣俱憤由
怠政事外侮四鄰非能保守宗廟終其天年者也故天災
御廩以戒之

嚴公二十一年夏大災公羊傳曰大災疫也仲舒以為魯夫人淫
於齊齊桓姊妹不嫁者之人國君民之父母夫婦生化之本本傷
則末天故天災所予也

釐公二十一年五月乙巳西宮災仲舒以為釐娶於楚而齊滕之
脅公使立以為夫人西宮者小寢夫人之居也若曰妾何為此宮誅
去之意也以天災之故去之曰西宮也

宣公十六年夏成周宣榭火榭者所以藏米器宣其名也 仲舒以

為十五年王札子殺召伯毛伯天子不能誅天戒若曰不能行政令何以

禮樂為而藏之 于政說曰

成公三年二月甲子新宮災 仲舒以為成唐喪亡哀感二教興

兵戰伐故天災其父廢宗夫子道不能奉宗廟也曰宣殺召

而立不當列於祖廟也 年

襄公三十年五月甲午宋災 仲舒以為伯姬如宋十五年宋恭公平

伯姬幽居守節三十餘年又憂傷國家之患禍積陰生陽政

火生災也

昭公九年夏四月陳大師五日仲舒以為陳夏徵舒殺君楚嚴王

允欲為陳討賊陳國閉門而待之至目滅陳陳臣子尤毒恨甚

極陰生陽故致火災劉敞曰予按昭九年夏徵舒事且其年歲矣仲舒之言一何謬乎佩倫按公羊經莊王書入

陳昭八年書滅陳以文楚嚴王下有阮字蓋言嚴王時入陳今阮討賊滅之故陳臣子尤毒恨甚也廣川何正有此巨謬

昭公八年五月壬午宋衛陳鄭災仲舒以為象王室將亂天下莫

救故災四國言亡四方也又宋衛陳鄭之君皆荒淫於樂不恤國政也

周室同行陽失節則火災出是以同日災也

定公二年五月雉門及兩觀災仲舒以為此皆奢僭過度者也先是

季氏逐昭公昭公死于外定公即位既不能誅季氏又用其邪說淫於

女樂而退孔子天戒若日去高顯而奢僭者一日叫關禘令而後出也今舍天聖而縱有罪亡以出禘令矣 于政說曰

哀公三年五月辛卯桓釐宮災 仲舒以為此二宮不當立遠禮者

也哀公又以季氏之故不用孔子孔子在陳聞魯災日其桓釐之宮乎

以為桓季氏之所出釐使季氏世卿者也 于政說曰

哀公四年六月辛丑亳社災 仲舒以為亡國之社所以為救也天戒

若曰國將危亡不用戒矣春秋火災屢於定哀之間不用聖人而

縱驕臣將以亡國不明甚也曰天生孔子非為定哀也蓋失禮

不明火災應之日然象也 于政說曰

武帝建元六年六月丁酉遼東高廟災四月壬子高園便殿火
仲舒對曰春秋之道舉往以明來是故天下有物視春秋所
舉與同比者精微眇以存其意通倫類以貫其理天地之變
國家之事槩然皆見之所疑矣按春秋魯定公哀公時季氏
之惡已孰而孔子之聖方盛夫以盛聖而易孰惡季孫雖
重魯君雖輕其勢可成也故定公二年五月兩觀災兩觀僭
禮之物天災之者若曰僭禮之臣可以去已見事微而後告可
士以天意也定公不知者至哀公三年五月桓宮釐宮災二者
同事而為一也若曰燔貴而不義云尔哀公不能見故四年六月

高社災兩觀桓楚廢高社二者皆不當立天皆燔其不當立者
以示魯殃其去亂臣而用賢人也季氏之道久矣前是天不見災
者魯君未有賢臣臣雖效去季孫其力不能昭公也至定宸迺
見之其時可也木時不見天之道也今高廟不當居遼東高園殿
不當居陵旁於社不當立與魯而災同其不當立久矣至於陛下
時天迺災之者殆亦其時可也昔秦受亡周之敝而亡以化之漢
受亡秦之敝又亡以化之夫繼三敝之後承其下流兼受其糞糶
治甚矣又多兄弟親戚骨肉之連驕揚奢侈恣睢者眾所謂
重難之時者也陛下正當大敝之後又遭重難之時甚可憂也

故天災若語陛下當今之世雖微而重難非以太平至公不能治也視
親戚貴屬在諸侯遠亡最甚者忍而誅之如吾燔遼東高廟迺
可視近臣在國中屢旁反及貴而不正者忍而誅之如吾燔高
國殿迺可云亦在外而不正者雖貴如高廟猶災燔之况諸侯乎在
內不正者雖貴如高國殿猶燔災之况大臣乎此天意也旱在外
者天災外旱在內者天災內燔甚旱當重燔簡旱當輕承
天意之道也

五行志先是淮南王安入朝始與帝舅天尉武安侯田蚡有逆言
其後膠西王王卬敬王常山憲皆數犯法或至夷滅人

家業殺三千石而淮南衡山王遂謀反膠東江都王皆知其謀
陰治兵弩歛以應之至元朔六年迺發覺而伏辜時田蚡
已死不及誅上思仲舒前言使仲舒弟子呂步舒持斧以
治淮南獄以春秋詛顯斷於外不循既還棄子上皆是

三

佩綸業漢書武紀元光元年五月詔賢良於是董仲舒公孫宏
出為董仲舒傳中廢為中大夫先是遼東高廟長陵高園殿
災仲舒居家推說其意中書未上主父偃候仲舒私見嫌之
竊其書而奏為上亡視諸儒仲舒弟子呂步舒不知其師書

以為大愚於是下仲舒吏當死詔赦之與此針異其在建元六年

若元光元年始奉賢良則仲舒方下吏赦免之後豈能預送彼

云竊素以云對七迴殊宜通鑑移對策於建元初年也儒林

傳步舒丞相長史使以師方為大愚則追思仲舒之言豈能復

合決獄淮南王妾傳上使宗正以符節治王未至妾自刑殺亦不當

遠言步舒也以師言為大愚者在本作言步昌錢氏攷異曰主父偃傳

元光元年西入關而高廟高園殿災乃在建元六年其明年

始改元光計其年月始不相應此志所云均是野史稗官矣

初五日雨

環署築防杆聲徹晝夜楹影依榻濤聲到枕暑左右人家均
在水中與所憂方大

土傳 嚴公二十一年冬大水止麥未 仲舒以為夫人辰姜淫亂逆陰

氣故大水也 當入水空下班志以子政說止麥未為土氣不養遂列於此
其實非也

金傳無

水傳 桓公元年秋大水 仲舒以為桓弑元隱公民臣痛隱而

賤桓後宋督弑其君諸侯會將討之桓受宋賂而誅又背宋

諸侯由是收魯仍交兵結仇伏尸流血百姓愈怨故十三年夏

復大水曰夫人驕淫將弑君陰氣感桓不寤平弑死子政說曰

嚴公七年秋大水亡麥苗 仲舒以為嚴母文姜与兄齊襄公淫
共殺桓公嚴釋父仇復取齊女未入先与淫一年再出會於
道逆亂臣下賤之之應也 子政說曰

十一年秋大水 仲舒以為時魯宋比年為乘邱郟之戰百姓愁
怨陰氣盛故三國俱水

二十四年大水 仲舒以為夫人哀姜淫亂不婦陰氣盛也

宣公十年秋大水饑 仲舒以為時比伐邾取邑亦見報以兵儲連
結百姓愁怨

成公五年秋大水 仲舒以為時成幼弱政在大夫前此一年再用

師明年復城鄆以疆私家仲孫茂叔孫僑如黼會宋晉陰勝

陽子政既同

襄公二十四年秋大水仲舒以為先是一年齊伐晉襄使大夫帥師

救晉後又侵齊國小兵弱數敵疆大百姓愁怨陰氣感

號傳成公七年正月饑鼠食郊牛角改卜牛又食其角仲舒以

為饑鼠食郊牛皆養性不祥也

此兼宣公十五年襄公元年言之皆附哀公而列此志之疎也

言傳 釐公二十一年夏大旱仲舒以為齊桓既死諸侯從楚釐尤得

楚心楚來厥捷釋宋之執外倚強楚炀陽夫眾又作南門勞民

興後

子政說同

諸雲旱不雨味皆曰說

此志之謬前水火之有同說者何備載上董說遂不傳志何二目彙也

嚴公十七年冬多麋 劉向以為麋色青近青祥也廣言為言迷也

蓋北獸之淫者也是時嚴公將取齊之淫女其象先見天戒若曰勿

取齊女淫而迷國嚴公寤遂取之夫人既入淫於二叔終皆誅死豈止

社稷仲舒指咎曰

視傳桓公十五年春止冰 仲舒以為象大人不正陰失節也

成公元年二月無冰 仲舒以為方有宣公之喪君臣無悲哀之心而炆陽

作邱甲

襄公二十八年春無冰 劉向以為先是公作三軍有侵陵用武之意於是

鄰國不和伐其三鄙被兵十有餘年因之以饑饉百姓怨望臣下心離公

懼而弛緩不敢行誅罰楚有夷狄行公有從楚心不明善惡董仲舒指略曰曰水旱之災寒暑之變天下皆同故曰無冰天下異也桓公殺无弑君外成宋亂与鄭易邑皆畔周室成公時楚橫行中國王札子殺召伯毛伯晉敗天子之師于貿戎天子皆不能討襄公時天下諸侯之大夫皆執國權君不能制漸將日甚善惡不明誅罰不行周失之舒秦失之急故周衰亡寒歲秦滅亡與年

子政後之者

此一說公羊家之當是廣以說而

僖公三十三年十二月預霜不殺草 劉向以為今十月周十二月於易五为天

位為君位九月陰氣至五通於天位其卦為剝二陰萬物始大殺矣明

陰從陽命臣受君令而後殺也今十月墮霜而不能殺草此君誅不行
舒緩之應也是時公子遂黜權三桓始世官天戒若曰自此以後將皆
為亂矣文公不寤其後遂殺子赤三家遂昭公董仲舒指昭曰

僖公三十三年十二月李梅實 仲舒以為李梅實臣下彊也記曰不

當華而華易大夫不當實而實易相室冬水王木相政象大臣

昭公二十五年夏有鸛鷓來巢 劉向以為有蜚有螿不言來者

氣而生而為音也鸛鷓言來者氣所成而謂祥也鸛鷓亥狀穴歲

土禽來之中國不穴而巢陰居陽位象季氏將逐昭公去宮室而居外野

也鸛鷓白羽旱之祥也穴居而好水黑色為主急之應也天戒若曰既

失眾不可急暴急暴陰將持節陽以逐去宮室而居外野矣
不張而舉兵圍季氏為季氏所敗出奔于齊遂死于外野董仲舒
說略曰

聽傳 桓公十年十月雨雪 仲舒以為象夫人專恣陰氣盛也

釐公十年冬之雨雪 仲舒以為公曾於齊桓公立妾為夫人不敢進屏

妾故專壹之象見於雪官為有所漸也行事壹之政云

昭公四年正月之雨雪 仲舒以為季孫宿任政陰氣盛也

桓公五年秋之雨雪 劉向以為介弟之孽屬言不從是歲公獲二國
之聘取鼎而色其後趙城諸命略皆從仲舒說云

按三節事政之說一略因仲舒一異於仲舒後文公六年十月命時伐邾取須胸成邾宣公六年八月命而以爲先是時宣伐莒而後比再如齊謀伐莒十三年秋命公孫陳父會齊成莒十五年秋命宣上款嚴數有軍旅表七年八月命而以爲先是襄興師故陳滕子鄭子鄭子皆來朝夏滅費哀公十二年十二月命去時辰用田賦而以爲春用田賦而爲之三年九月命十二月命以三命虐取於民之致也其說皆本於廣川可知

嚴公十九年有蜚劉而以爲蜚色青近青首也非中國而有南越盛暑男女同川澤淫風而生爲其具惡是時嚴公取齊淫女爲夫人既入淫於兩邦故蜚至天戒若曰今誅絕之尚及不將生具惡於四方嚴公不察其後夫人与兩邦作亂三嗣以殺平皆被辜仲舒

指略曰 疑南越之說非廣川指

釐十五年八月秦劉向以為死是釐有賊三會後城緣陵是歲

復以兵車為壯邛會使公孫敖帥師反諸侯大夫救徐兵比三年

在外以下無仲舒指略同當六從廣川說

文公三年秋兩會于宋 仲舒以為宋三世內取大夫事恐殺生不中故秦

先死而至

宣字五年冬緣生 仲舒以為緣螟始生也百螟始生是時民患上力後

解於公田宣是時初稅畝稅畝就民田畝擇美者稅其什一亂先王

制而為貪利政應是而緣生

子政說同志有屬贏秦三孽乃于政引廣可以擇法苑五行耳

思心傳 釐公十五年九月七日卯晦震夷相之廟 仲舒以為夷伯季氏

之旱也。陰臣不當有廟。震者雷也。晦暝雷擊其廟。朔當絕。主僭差

類也

隱公五年秋螟。仲舒以為時公觀漁于棠。貪利之應也。子政說曰

嚴公六年秋螟。仲舒以為先是術侯朔出奔齊。侯會諸侯納朔

許諸侯賂齊人。誅術實魯受之。貪利應也。子政說曰

宣公三年郊牛之傷。改卜牛死。劉向以為近牛禍也。是時宣公與公子

遂謀共殺子赤而立。又以喪娶。區敫。霜昏亂。成於口。幸有季女子得

免於禍。天猶惡之。生則不饗。其祀死則灾燔其廟。董仲舒指略曰

業區霜牛禍之說。子政所增。殆本廣。以公羊師說。禘五經傳

文公九年九月癸酉地震 劉向以為先是時齊桓晉文魯楚二
伯賢居新浚周襄王失道楚穆王殺文諸侯皆不肯權傾於下天
戒若曰臣下疆域者將動為害後宋魯晉莒鄭陳齊皆殺君諸
震略皆從仲舒說也

按襄十六年五月甲子地震向以為先是雞澤之會諸侯盟大夫又盟
是歲三月諸侯為淇梁之會而大夫猶相子盟五月地震矣其後崔
氏專齊宋魚亂晉成霄使鄭問趙襄子蓋逐其君楚滅陳蔡
昭十九年五月己卯地震向以為是時季氏將有逐君之變其
後宋三臣曹會皆以地震蔡莒逐其君吳敗中國殺之君二十三
年八月己未地震向以為是時周景王崩劉單立王子猛尹氏立
子朝其後季氏逐昭公里肱叛鄭邾英殺其君廢宋五大夫
晉三大夫皆以地震哀公三年四月甲午地震向以為是時諸侯皆代

邪臣莫能用仲尼盜殺蔡侯齊陳乞裁君皆從廣川說也

釐公十四年秋八月辛卯沙麓崩穀梁傳曰林屬於山曰麓沙其名

也劇內以為臣下皆叛散落不事上之象也先是齊桓行伯道會

諸侯事周室管仲既死桓德日衰天戒若曰伯道將廢諸侯

散落政迷大夫陪臣執命臣下不事去夫桓公不寤天子救賜

及齊桓死天下散而從楚王札子殺之大夫晉敗天子之師莫能

征討從是陵遲公羊以為沙麓河上邑也仲舒說政因尚有一

氏始尚說非仲舒

成公五年夏梁山崩穀梁傳曰靡河三日不流晉君帥羣臣而哭之

迤流劉內以方山陽居也水陰天也天戒若曰君道岷依下亂百姓
將失其而矣矣然後流表亡象也梁山在晉地自晉始而及天下也
後晉暴殺三卿厲公以弑湫梁之會天下大夫皆執國政其後孫
甯出術獻三家迹魯昭單尹亂王宮仲舒說略同

皇極傳 隱公三年二月己巳日有食之穀梁傳曰言日不言朔食晦公
羊傳曰食二日 仲舒以為其後或執天子之使鄭獲魯隱滅戴術
魯宋成殺君 于政說同

桓公三年七月壬辰朔日有食之既 仲舒以為前事已大後事將至
者又大則既先是魯宋弑君魯又成宋亂易許田止事天子王心

楚僭稱王後鄭拒王師莊桓王又二君相篡
子政說曰

十七年十月朔日有食之仲舒以為言朔不言日惡魯桓且有天人

之禍將不終日也

嚴公十八年三月日有食之公羊傳曰食晦仲舒以為宿在東壁

魯象也後公子慶父叔牙果通於夫人以弑公

二十五年六月辛未朔日有食之仲舒以為宿在畢王邊兵夷

秋象也後狄滅邢衞

二十六年十二月癸亥朔日有食之仲舒以為宿在心為明堂文武

道嚴中國不絕若綫之象也

三十年九月庚午朔日有食之 仲舒以為後魯三君弑夫人誅兩弟

死秋滅邢徐取舒晉救世子楚滅彘 子政說曰

僖公五年九月戊申朔日有食之 仲舒以為先是齊桓行伯江黃

自至南服疆楚其後不內目正而外執陳大夫則陳楚不附鄭伯逃

盟諸侯將不從桓政故天見戒其後晉滅虢楚圍許諸侯伐鄭

晉弑三君秋滅溫楚伐黃桓不能救 子政說曰

十二年三月庚午朔日有食之 仲舒以為是時楚滅黃狄侵衛

鄭言滅祀

十五年五月日有食之 仲舒以為後秦獲晉侯齊滅項楚敗徐

于晏林

文公元年二月癸亥日有食之仲舒以為先是大夫始執國政必

子遂如京師後楚世子商臣殺父齊公子商人弑君皆自立宋子

哀出奔晉滅江楚滅六大夫公孫敖叔彭生豈身會盟子政說同

十五年六月辛丑朔日有食之仲舒以為後宋齊晉鄭八年之

胡五君殺死楚滅舒蓼子政說同

宣公八年七月甲子日有食之既仲舒以為先是楚商臣弑父而立

至于嚴土遂疆諸夏六國惟有齊晉齊晉新有篡弑之禍內

皆未安故楚乘勢橫行八年之胡六侵伐而一滅國伐陸渾戎觀

兵周室後又入鄭二伯內祖謝罪以敗晉師于邱流血色水圍宋九

月析骸而炊之子政說曰

十年四月丙辰日有食之仲舒以為後陳夏徵舒弑其君楚滅蕭

晉滅二國王札子穀名伯毛伯子政說曰

十七年六月癸卯日有食之仲舒以為後料支解鄆子晉敗王師

于賀我敗齊于鞏子政說曰

成公十六年六月丙寅朔日有食之仲舒以為後晉敗楚鄭于鄆

陵執魯侯

十七年十二月丁巳朔日有食之仲舒以為後楚滅舒庸晉弑

其君宋魚石曰楚奪居邑首滅鄆齊滅萊鄭伯弑死子政說曰

襄公十四年二月己未朔日有食之仲舒以為後衛大夫孫甯共逐

獻公立孫剽子政說曰

十五年八月丁巳日有食之仲舒以為先是晉為鷄澤之會諸

侯盟又大夫盟後為淇梁之會諸侯在而大夫獨相與盟君若

綴旂不能舉手子政說曰

二十年十月丙辰朔日有食之仲舒以為陳慶席慶寅蔽君之明

邾庶其有叛心後庶其以漆聞邾來奔陳殺三慶

二十一年九月庚戌朔日有食之仲舒以為晉欒盈將犯君後入于

曲沃

十月庚辰朔日有食之 仲舒以為宿在軫角楚之國象也後楚

屈氏潛殺公子追舒齊慶封曾君亂國

二十三年二月癸酉朔日有食之 仲舒以為後衛侯入陳儀甯喜

弑其君剽

二十四年七月甲子朔日有食之既 八月癸巳朔日有食之 仲舒以為此

食又既象陽將絕夷狄主中國之象也後六月弑楚子果從諸侯

伐鄭滅舒鳩魯往朝之平王中國伐吳討慶封

二十七年十二月己亥朔日有食之 仲舒以為禮義將大滅絕之象也

時吳子好勇使刑人守門蔡侯通於世子之妻甚不早上嗣後聞吳

子世子般弑其父其人弑君而庶子爭

按內以為自二十年至此歲八年同日食七亦禍亂將重越故天仍見
戒也後齊崔杼弑君宋殺世子北蒞伯出奔鄭大夫自外入而篡
位指昭如董仲舒

昭公七年四月甲辰朔日有食之仲舒以為先是楚靈王弑君而立

會諸侯執徐子滅賴後陳公子招殺世子楚目而滅之又滅蔡後靈

王六弑死子政說曰

十七年六月甲戌朔日有食之仲舒以為時宿在畢晉國象也晉厲

公誅曰大夫失眾以弑死後莫敢復責大夫公卿遂相與比周專晉國

君還車之日比再食其事在春秋後故不載於經

二十一年七月壬午朔日有食之仲舒以為周景王若劉子單子專

權蔡侯朱驕後君臣不說之象也後蔡侯朱果出奔劉子單子立

王猛

二十二年十二月癸酉朔日有食之仲舒以為宿在心天子之象也後

尹氏立王子朝天王居于秋泉

二十四年五月乙未朔日有食之仲舒以為宿在胃魯象也後

昭公為齊氏所逐

按內以為自十五年至此歲十年間天戒七見人君猶不寤後楚殺我

太子晉滅陸渾戎盜殺衛侯凡蔡莒之君出奔三滅巢巢公子

庚寅

閏年曰已

光毅三條宋三臣以邑叛其居宜仲舒

于州堂石影

三十一年十二月辛亥朔日有食之 仲舒以為宿在心天子象也時京師

微弱後諸侯果相率而城周宋中幾以尊天子之心而不衰滅

定公五年三月辛亥朔日有食之 仲舒以為後鄭滅許魯陽虎作

亂竊寶玉大牙季桓子返仲尼宋三臣以邑叛 子政說曰

十二年十月丙寅朔日有食之 仲舒以為後晉三大夫以邑叛薛

弒其君楚滅賴胡越敗吳術逐世子

十五年八月庚辰朔日有食之 仲舒以為宿在柳周室去依黃秋

至諸夏之象也明年中國諸侯果累從楚而圍蔡之恐遷于州

來晉人執我管子誅于楚京師楚也

嚴公七年四月辛卯夜恆星不見夜中星隕如雨仲舒以為常星二千

八宿者八居之象也眾星萬民之類也列宿不見象諸侯微也眾星

隕隊士民失其所也夜中者為中國也不及地而復象齊桓然而故存

之也耶止桓公星遂亡地中國其在絕矣

按仲舒下有剗內二字而此節下又有剗內心為云云或于政一說因第內又有剗一說或前剗內二字為善文

文公十四年七月有星孛入于北斗仲舒以為孛者惡氣之所生也謂

之孛者言其孛之有疵妨蔽闇亂不明之貌也北斗大國象後齊

宋魯晉莒皆皆弑君

昭公十七年冬有星孛于天辰仲舒以為天辰心也心為明堂天子之象後王室大亂三王分爭此其效也

哀公十三年冬十一月有星孛于東方仲舒以為不言宿名者不加宿也以辰乘日而出亂氣蔽君明也明年春秋事終百周之十一月夏九月日在辰出東方者軫角元也軫楚角元陳鄭也或曰角元七國象為齊晉也其後楚滅陳田氏篡齊六州分晉此其效也

王政說因

釐公十六年正月戊申朔隕于宋五五月六鷓迅飛過宋都仲舒以為象宋襄公使行伯道將自敗之戒也石陰類五陽數

自上而墮以金而陽行欲高反下也不与金曰類色以白為至近曰祥也賜水為六陰數迅飛欲進反退也其色青之祥也屬於親之不恭天戒若曰德薄國小而持抗陽欲長諸侯与疆大爭必受其害襄公不能明年齊桓死伐齊喪執滕子圍曾為孟之會与楚爭盟平為所執後得反國不悔過自責復會諸侯伐鄭与楚戰于泓軍敗身傷為諸侯笑

子政說同
按屬親之不恭曰祥青祥皆于政說

在廣川公羊災異說共 條雖不免傳會存之足以畏天保

命世以言災異為會陽家可云昧於古義耳

初六日雨時作時止

西岸留漫水退灾象已成

春秋魯十二公僖稱賢君奚斯作頌列於三百篇然其人最為可鄙

齊強則親齊楚強則親楚晉強則親晉泮水篇所謂淮夷攸服

乃攘齊之功以為功居常与許復周公之宇亦齊但反其侵地身戎

秋是膺荆舒是懲即云追美周公而南夷率從故明指僖公言試

問台陵之會果僖公力乎非僖公力乎厥後假楚師以伐齊取穀衣

為背德君子漢木瓜永好之篇而歎之魯之誣游實不以此所之圖

報者為近實也

公羊僖八年秋七月禘于太廟用致夫人傳夫人何以不稱姜氏敗曷為
 賤以妾為妻也其言以妾為妻奈何蓋魯于齊媵女之先至者
 也二十年西宮災黃仲舒以為釁娶於楚而齊媵之魯使立為夫人
 故有以應十年之雨雷亦以為言何休注曰案僖公曰桓得立三年陽
 穀之會方有無以妾為妻之誓四年召陵伐楚六年楚人圍許諸
 侯遂收行僭無復不從矣自有遠聘楚女為嫡之理公羊大師是守
 而不明時勢殊可怪也假使僖果廢楚女則楚必仇魯其以僖又窮必楚心何也

初七日晴

朱祥來故里新居之日而大播也

初八日晴

伯平米談時由保定回洋即擬履任

葉夢得避暑錄活叔祖溫愛與于瞻議論每不相下元祐末于瞻守杭

州公為轉運使浙西適大水于瞻銳於賑濟且以杭人樂其政陰欲

厚之公每持之不下即親行部一皆閱實更為條畫上聞朝廷主

公議觀此而知葉氏之為小人也夫蘇公賑濟七州四水與抵潤州致

林希論裁傷書卓然仁人之言以豈欲陰行其德而惠活名者而溫

突敢於如此是目尼于瞻而困枕氏可云陰狠矣公去官由湖入蘇日

覩水災民生乏食而奏準之錢二百萬貫糶米平糶以代賑者數運

司格旨不行復為疏爭之夢得而云持之不古者即此事也雖溫安校
抗於前夢得矜飾於後試問天下後世以蘇公為實乎以葉氏祖孫
為實乎率天下之酷吏拘女牽義而入吾民為溝壑者皆以
實之一說誤之也故遇有水旱偏災良有司急於振撫與其
慎重而後不必迅速而濫之患多費國不必多費亡緩之
患多蔽民則以多蔽死

初九日而

作書上高陽師論水災

呂氏春秋不三篇孫臏楚人為齊臣作謀今九篇權之勢也梁伯子

云史漢皆以孫臏為齊人此當別有據余業以孫武子印在子胥
之碣於也子胥之子在齊為王孫氏後遂昭之為孫史漢以臏為
齊人高誘以為楚人原其始而言之

初十日雨

伯平來談

孟子弟子趙邠注弟子十五人宋正子公孫且陳臻公都子充虞季孫

子叔高子徐辟咸邱蒙陳代彭更萬章屋廬子桃應學於孟子

者四人孟仲子告子滕更益成括漢書人物表見五人則公孫且萬章

告子樂正子高子也宋政和五年程祀孟原視趙注無益成括為十人

詳宋史禮志某某孟子弟子考同趙注張九

龍羣言拾遺載孟十七弟子稱孟季孫子叔滕更多成括而
蓋以孟季子周霄注孟考七孟季孫子叔而謂告子與洪生不
實為兩人自告告子而列洪生不實注孟氏正義引周廣業說謂
季孫子叔益成括均不必取

佩倫業注孟氏春秋高誘注匡章孟子弟子也淮南子論刑高誘注

陳仲子齊人孟子弟子居於陵注匡章齊人也陳仲子一介之士窮

不為承者注孟氏正義以誘注無所出不足取業呂氏春秋誘目序

誘注孟子弟子章內作淮南孝經解畢家有此書故復依先師舊刊

標乃為之解注孟氏正義解復依師刊則孟子弟子章內二依師刊也誘

為盧侍中高第其說注孟氏正義補趙氏不及孟氏墨守一家未為

通論也

十日晴

得八弟書復之意甚感胃

焦氏孟子正義云漢儒徵引孟子者如前卿韓嬰董仲舒劉向

揚雄王充班固張衡鄭康成許慎何休等皆所為捃取而說

之漢文立孟子博士授受惜不可考河朔獻王亦曰先奏舊本

不詳得自何人東觀漢記言章帝以孟子賜黃香之能傳之讀

之与在不可知劉陶復孟軻所以復者不傳惟後漢書程曾字

禾北豫章南昌人作孟子章句建初三年舉孝廉在趙氏前

高誘自言正章句在趙氏後隋志漢有鄭康成孟子注劉熙
孟子注鄭本傳不言著孟子劉注在趙後余業毛傳引孟子解詩
史記五帝紀引辟丹朱於南河之南及象刑殺舜趙氏以孟子長
於詩書本以不其氏遺之何也

十三日賄

賄謂可恃斯氏稍得小休矣是日曰太叔人忘日也

巧言篇君子屢盟亂是用長君子信盜亂是用暴盜言孔甘亂
是用餒毛傳盜逃也箋云盜謂火也春秋傳賤者窮諸盜按此
盜字如申無字所指之盜凡竊柄之權奸盜國之佞賊皆謂之盜

幽王之世如申侯在外星犬在內皆盜也詩人以虜盟自信盜並言深切著
明世之情盟為國用盜者臣者可以悟矣盟可尋古可寒竊回者必
其仁義竊之懷哉言乎勿隨口讀書也

十三日晴

得八弟書以久不得余書相念之情溢於言表殆途中音書偶滯
耳然不覺離懷悵簡矣

中庸一篇宋儒由戴記取世列之於大學後論語首國朝諸儒頗有
議之者按正義引鄭目錄云在曰中庸者以其記中和之為用也庸
用也孔子之孫子思復作之以昭明聖祖之德以於別錄屬通論夫孟

子受業子思上明人並正漢文時已立博士况子思親為聖孫下開
鄒嶧目應聲定附於魯論之心孟子之前以明道脈中壘以未

官為子思之作較大學之述於子思更為明確觀康成所注尤能發
揮此明聖德之意篇中引詩說禮不一而足而論舜文武周皆尚書

百篇也鄭更於前知前引易曰君子積以高大於三重節引易曰故
知鬼神之情狀與天地相似也明中庸用中即大易立中之論於禮述

堯舜憲章文武上律大時下龍於水土注曰此以春秋之義說孔子之
德孔子曰吾志在春秋行在孝經二經固足以明之孔子而述堯舜之

道而制春秋而斷以文王武王之法度春秋傳曰君子為春秋

撥亂世反諸正莫近諸春秋其諸君子崇道堯舜之道欲求不

索乎堯舜之知君子也又曰是子也繼文王之能守文王之法度文

之法無亦而亦故微之也又曰王者孰謂之文王也以孔子兼包堯舜文

武之盛德而著之春秋以俟後聖者也律述也述天時謂編年四時

具也歲目也曰水謂記諸夏之異山川之異聖人制作其德配天

地如此唯五始可以當焉又太極謂之統而指春秋也去本者統也其

言精切如此於孔子德往開來之緒言之歷之六經殊塗同歸萬口

由有準較朱注說精微而不專指聖德者似更有見也

荀子非十二子篇略法先王而不知其統猶並而材劇志大罔見雜

博業往舊造說謂之五行甚僻遠而無類幽隱而無說用約而無
解業師其辭而祇敘之曰以真先君子之言也子思唱之孟軻和
之世俗之溝猶稽儒唯之並不知其所以非也遂受而傳之以為仲尼
子游為茲厚於後世是則子思孟軻之罪人也其肆意醜詆
何損思孟不過欲自居於孔門嫡派而已不先毀聖孫斯能攘
儒家之正統而炫耀於世身試塗中庸一篇正与荀况相及
也

十四日晴

得吳清卿道仰及陸世兄書知已為陸養泉舊二館歲百

四十四金以五元為脩脯使從師讀可感

十五
日晴

午後過日平談

潛研堂文集禮記出於漢儒而後世尊之為經與易書詩春秋

別而為五以其中多聖人之微言七十子之後所述也沈休文云中

庸表記坊記緇衣皆取子思子果也取公孫尼子休文去古亦遠其

說當有所自宋儒以中庸出于子思氏特表章之而不知表記坊記緇

衣三篇亦子思氏之言也或謂緇衣公孫尼子作
校釋文引
按文選

注引子思子曰民以君為心君以民為體又引子思子詩云昔吾有先正

其言明且清今其文皆在緇衣篇則休文之說信矣坊記一篇引春秋者三引論語者一春秋孔子所不應孔子自引而論語乃孔子後後諸弟子所記錄更非孔子所及見然則篇中云子言之子曰者即子思子之言未必皆仲尼之言也仲尼已往七十子之徒惟子思子猶得其傳漢志有子思三十三篇唐宋之世尚存七卷今已邈不可得獨此數篇附禮記以傳而其詞醇其簡與論語相表裏此固百世而下有志於聖賢之學者所宜誦述而體驗者歟子思之學出于曾子曾子書亦不傳而其十篇猶見於禮記小戴記有曾子問篇檀弓雜記祭義內則禮器大學諸篇俱引曾

子况曾子子思之微言所以不終墜者實賴漢儒會粹之力後
 之人祇識漢儒摘其小失屏斥之得魚兔而忘荅號其六而思
 甚矣 潛研集

十六日晴

十七日晴

張筱輿有書來說病在武昌

梁山由運河北至德州適遇小輪遂單舸先發侵晨到津
 合肥留之午飯余與梁少七年不見矣交道無間可以為隙末
 凶終者歟晚梁山遷吳楚公所復夜話至三鼓而睡

十八日晴

道樂山夜談

十九日晴晚大雨 見樂山之字元初五歲矣 得高陽以書

夜与合肥拉柴山飲正苦煩鬱急雨滌暑大歎都解

而僅在署左右湯七里之松竹林中無雨也

二十日晴 晨猶雨

樂山行烟土者久之

二十一日晴

二十二日晴

得九弟書

二十三日晴夜雨

伯平來辭行胡雲循米談復兀弟書

晉書載化諸營既多故號姚萇軍為大營大營之號自此

始也

二十四日晴

二十五日晴 得安圖桂林第一書印附數行寄都下

往送伯平

二十六日晴

二十七萬壽節

二十七日晴

管子有楊悅序常熟瞿氏校以序中大宋甲申定為孝宗隆興甲申葉王荆公有楊悅墓誌悅字明叔官至朝奉郎行大理寺丞通判河中府事以嘉祐七年四月辛巳卒於河南年三十九嘉祐七年為圭寅上朔慶曆三年為甲申明叔父偕宋史有傳末云子悅恠均有雋才早卒明叔為丁父簡公度之塔父簡有管子要略五篇見玉海及宋史藝文志序為明叔所作無疑

高若訥字敏之夔并州榆次人徙家衛州彊學善記自秦漢

以來諸傳記無不該通尤喜申韓管子之書頗明歷學且母

病遂兼通醫書雖國醫皆屈伏按東都事略則謂若訥

沈古方治病多不效脫之修史殆果其表法身如高敏之

豈知喜管子者亦不過沈古方而已李昭云喜申韓管子

示日晴夜雷雨一陣

得廉生再回書又得吳慎生一信寄宣城不寓桃

二十九日晴

于晦若之弟穆若就伯平聘自都來託寄伯平一紙

吳正儀作事類賦人知之其好篆籀恥說文有字義者千八百

餘條撰說文五義三卷無知之者矣

三十日晴

寄八弟書

張文潛海人作文以理為主

子美放廢寓在吳中韓維責以去離都下隔絕親交子美復書
曰予於持國外兄弟也急難不相救又在未安留之時欲以義相
琢刻雖古人亦不能受余寄近以開示頗有勸余居都者讀子
美書笑不入耳之談來相勸勉大率以此耳

七月初一日晴

間十日已

庚寅

八三
豐潤張氏澗

山后傳彭城公主年少
 娶居后同母弟北平公
 夙后而將於孝文孝文
 許之公主志不願后故
 強之將有日吳王主
 密与侍婢及僮從
 十餘人乘輕車冒
 霖雨赴北庭奉
 謁孝文目陳本意
 自費后与高妻薛
 嘉狀公主屬为外戚
 窺得密也可想使狀
 後因節不智婦人也

魏書張彝傳時陳留公主寡居彝願尚主主許之僕射高

肇亦望尚主之意不可肇怒潛殺日致得廢王肅傳詔肅

尚陳留長公主本蓋昶子婦彭城公主也肇固殺橫彝二節

甚魏制則無豎恠也肇後尚世宗姑高平公主

初二日陰有雨數陣

邵補堂來

自典干以來無終陽氏為望族北魏陽凡字景文免官曰吾昔未仕

不曾羨人今日失官与本何異可謂曠識妻高氏勃海人學識有

文翰孝文敕令入侍後官幽后表登志其辭也尼作字釋未成

高氏所作表啓出后紀但越書正北史六不載亦時聞房偕知之
果惜乎不傳故余還廓絕白中有一絕亦之曰老去漁陽豈羨官
聞中學信擅文翰魏官徯具和意德便作班昭一例看今老矣思
此詩如方今日誠非也

初三日晴

復方銘山書銘山寄潮扇夏布及食物來也

初四日晴

昨夜作寄安姪弟三書文文報扇寄桂林

北齊宋顯傳顯從祿弟繪少勤學多所博覽好撰述魏時

張緬晉書未入國繪依准裴松之注國志體注王隱及中興書

又按中朝多士傳十卷姓系譜錄五十篇以諸家年歷不同多有

紙繆乃刊亡異同年譜錄未成同清五年並遭水漂失

此晉書
作任三收

厄於水惜哉

初五日晴

昨得高陽書欲招余入都復以不能如約案後漢蘇不韋傳漢

法免嚴守令自非詔徵不得妄到京師思之甚有至理萬人如

海一身歲究是甲官非庶人也

初十日晴

家忘

初七日晴

復吳清卿兄弟書

初八日晴

得八弟書馬植軒觀察來時運糧至洋復高陽跋

初九日晴

連日擬琴生墓志心緒甚劣久之始成

初十日晴

買得唐文粹及文粹補遺略二編閱

十一日晴夜大雨

敬信汪鳴鑿赴吉林察獄以水故繞道至津杭海內例星使不
拜客兩君以合肥重臣特修私覲之敬柳州復過余少談辭
之不可余不答也廿年交好脫略形骸耳

十二日雨午後始霽暑衣斂矣

寄梁山復書

十三日晴

十四日晴

十五日晴

作蘭軒館記

十六日晴

十七日晴

得高陽復書

十八日晴天復炎蒸

合肥集賢課以論語一貫解命題何呈兩本一貫無解明

者均以阮文達解為主引尔雅貫事也貫為也以中庸所以

行之者也子貢之言終身行与忠恕打通此仍是時文作法

耳說文王董仲舒曰古之遺文者三書而連其中謂之王三

者天地人也而參通之者王也孔子曰貫三為王論語之一貫即一

貫三也故曰通天地人之為儒繁露王道通三之術可取之端數此

繁露王道通三篇古之造文者三畫而連其中謂之王三畫

者天地與人也而連其中者通其道也取天地與人之中以為貫

而參通之非王者孰能當是又云夫喜怒哀樂之數與清燥

寒暑者其實一貫也

隋陽休之正月七日登高侍宴詩廣殿麗年輝上林起春色風

生拂雕輦雲迴浮綺翼御覽三千

陶詩乃休之所輯是鄉人宜讀陶詩也

十九日晴夜雷雨

與菊耦手談甚樂

二十日晴

西河謂漢唐業有以大學中庸并論孟為六經者大為謝以所

以真目故實也

二十日晴

新吾自都米得高陽書以六千金助直振

二十日晴

以六千金交芸楮

于言晴

聞人病復高陽書及振為收條一帙

于四晴

買得邢子愿采禽館集廿九卷四庫提要謂其父近於澠詩和
平雅秀骨幹未堅在別集存目中明之文多應酬之作其雜
俎內有墨談數則謂鄉人孟中丞嘗得一挺乃紫陽先生款又相
家尹將軍得元時一丸無款識絲髮長理太樸中家舍光煇
而以方于魯墨專以色澤規撫取勝磨之有香氣無墨氣近
日方墨之價如金惜不一致于愿集也余欲令寫官錄一副本以遺

安圖

二十五日晴

伯行使日本修實使俄德

史通書志篇古之志制我有何力而班漢定其流別編為紀又
志續漢亡還祖述不暇愚謂凡撰志者宜除此篇必不能去當變
其體近者宋孝王開東風俗傳亦有墳籍志其所錄皆鄴
下文儒之士讎校之司所列書名唯取當時撰者習茲楷則
庶免譏嫌語曰雖有絲麻無棄菅蒯於宋生得之矣

余謂甄父志亦何可去自秦焚書以後漢除挾書之禁置寫書
之官及成帝命陳農求遺書內歌奏七略為西漢一大政使志

之古籍益無可攷矣志之病有二一在於七略外增入雜書使
是以意亂七略一在漏略如賈誼有左氏纂註竟見儒林傳而志
無之古文尚書之類言之不明了耳予元論史專務簡括近人
補史瓶文多從其說而於古書存亡及官庫校錄之迹一不留
意二何取乎補志耶

全耐山有与杭董浦論金史五帖移明史館六帖當与竹垞移明
史館及辛楨先生論金元史者並錄

褚登善於永徽元年以抑買中書譯語人地左遷同州刺史四
年以入中書宜其不且貶重於高宗矣以節焉可不慎

二十分精

梁書文學傳昭伯父彤集眾家晉書注于寶晉紀為四十卷其文同
昔不傳矣

二十七日精

梁書張緬傳尤明後漢及晉代眾家客有質執卷緬者隨問便

對略無遺失抄後漢晉書眾家異同為後漢化四十卷晉抄

三十卷又蕭子雲傳以晉代竟無全書弱冠使留心撰著

至年二十六書成表奏之祇付祕閣而著晉書一百一十卷子

實著晉史至三王列傳欲作論草隸法言不盡意遂不能成

墨指論飛且執而其後義之傳論乃太宗御撰殆欲遠與景
喬第勝也

天日晴

新吾行新吾收藏頗富佳帖頗多八二謙雅九弟得者河海秘差
書來嚴戒之

千字文相傳是周興嗣作梁書蕭子範傳南平王使作千字文
其辭甚美王命記室蔡遠注釋之隋書經籍志千字
文蕭子中注日知錄已疑之矣周興嗣傳又云次韵王羲之
書千字使照胡為文是梁有兩千字文也

子九日晴 閱卷三言畢明日去

得公弟書

買東村集十卷提要存目國朝李呈祥撰呈祥字其旋一字吉洋
號木齋霞化人前明崇禎癸未進士改庶吉士入國朝官至詹事府
少詹事是編詩文各五卷詩分十集曰郎中棠使程自刪木齋詩
稿游中山草唐城草秋尋草南游詩紀行詩秋游詩東村詩
集前卷有小序查慎行序稱其與李攀龍王士禛前後鼎足
今觀所作慎行非定評也按孫光祀少詹墓志順治辛卯詔求
直言君具辨明滿漢一體既某特疏劾之下注同具重讞以上

章廟州然改適從盛京康王釋回提晏略之疏矣初白作序第曰其子
之請本非定論纂輯諸臣特一揭其序言殆未細觀其詩也

八月初一日晴

晉諸公贊子配城陽太守
守裴秀賈充皆配
少清氣類少斯
宜于附柱司馬也

郭淮之妻王凌之妹也乃王凌之謀淮既不預後追妻乞宥終無

與仲達猜忌之心史稱其方策精詳吾謂其不忠不義也假使

淮感武文明三朝之遇便當義軍相怒為曹爽王凌以仇

捷則誅司馬以五曹不則法伯約以助蜀乃甘一為仲達法

所欣強羊已垂暮志氣不振抑仲達真具有宰龍之術耶

初十日晴

左近右手均以雷氣震盪之

初三日晴

四庫提要於宋人之詩編次最無序如呂元鈞淨德集乃列於歐陽文忠之前邵子擊壤集與周元公集乃不相次而又潞公乃在范太史後何也

初四日陰

晚樊雲門至津送來香濤書及端溪研欽州砂壺

初五日陰有風乍寒

雲門來午後周子玉觀察懋琦自湖至顧廷一過談

間行日記

庚寅

九二

豐潤張氏澗

初六日晴

留雲門午飯邀海若陪之談至夜送之登舟

初七日晴

周子玉來午後答陸壽峯
新到幕賓名恩長
棋品受四子

初八日晴

子晉來瑞方伯璋見過回恭邸寄贈一联也午後答之

初九日晴

石林燕語今天下言以杭州為上蜀本次之福建最下福建本幾編

天下以其易成故也余謂豈唯書然今福建學生幾編天下皆

敢为大言居之不疑福天下者必此類耳

初十日晴秋分

夜作管子地員攷證序王南溪先生從蘭所著先生所著經說
伯寅司空刻之雪相刻其說文段注并補復刻是編且傷繁
冗序中亦不能迴護也

十一日晴

淨掃几塵焚香煮茗始有意治荆公詩荆公古詩似韓此不
待論其七律姬傳以為歐公學韓於七律不甚留意荆公留
意矣然亦未越殊妙所選十五首今特從七律入手以證姬

傳之說信否

石林詩話云荆公詩用法甚嚴尤精於對偶嘗云用漢人語當以漢人語對若參以異代語便不相類如一水護田將綠遠兩山排闥送青來護田排闥皆漢人語也此法恨公用之不覺拘

實

酬朱昌叔詩先云名譽子真矜谷事功新息因壺頭後改作未愛京師傳公但知鄉里膝壺頭今卻以原作為第五首改作為第一首沒半山推戴之苦心矣至於以可悵律詩捶鍊之法其中有不必改者有必須累改而始佳者在以時消息之耳

十二日晴

父芸閣編修來見廷式
已卯世姪悔若至交也合肥師禱其有志
趣午後答之不值

十三日晴

復八弟及宗戴之書後過悔若與芸閣談

十四日晴

廷一來午後陳仲勉叔毅徵字來夜至錢橋下答之寄伯

潛書

十五日陰夜雨

閏十月己

庚寅

九三

豐潤張氏潤

作懷伯潛一律並與仲勉昆弟話舊六成一詩

十六日陰雨午後展霽

與父芸閣談甚暢

十七日晴

十八日晴

十九日晴

二十日晴

二十一日晴

復考達書

二十日晴

二十三日晴 高陽之二公子燿瀛初三完姻作書賀之

二十四日晴

張樸居父未時降級調用奉委運奉天振糧知蘭軒

師於今年八月一日下葬

二十五日晴

天明送到關中集及孝達少作各一卷

二十六日晴

二十七日晴

閏十月已

庚寅

九四 豐潤張氏瀾

答樣居過中舫

二十日陰微雨

寄八弟書

二十九日陰

得安圃七月十九日書

三十日晴

寄九弟書

夜半得高陽書廣西思恩府劉思濬捐銀六千河南陝

州趙希曾捐銀三千助賑高陽亦以一千足之

九月初一日晴

復高陽書款文振尚

初二日陰

寄伯潛書晚得其復電知病已愈仲勉等已疎矣

初三日雨

夜得都電允言生子初三刻

初四日晴

出吊王中舫嫂氏之喪

初五日晴

初六日晴

初七日晴

得宗戴之書公弟書胡聖楮表知膠民到津

初八日晴

膠民來午後答之

初九日晴

得何子峨書知方錄山下世為之愴然子峨病未愈而生子

初十日晴

聖楮來

十日晴

十一日晴

孫茶孫目豐潤回晚得安姪電音

十二日陰

曝民米談

孔子世家魯亂孔子適齊為高昭子家臣欲以通乎景公
史記志疑景吏部曰欲通齊景不恥家臣孔子而如是乎
且據史說景公与晏嬰通魯既有秦穆之對而景公悅
矣何必自辱為家臣以求通也余謂梁氏取景說實不美

讀史者孔子之齊為魯亂耳其為家臣以求通景公為
伯昭公計也先是景公雖有秦繆之明而異國小臣倉卒
不能自通故藉高之通之國高為天子之守齊之世卿為之
家臣不足云辱且魯已無君而周室未定力不能討孔子世
食魯祿請命方伯意在誅季復昭降志辱身正儒者事
豈凡情所能測哉觀景公問政夫子對以君之臣之父子
以萬古不易之經之甲兼及魯昭之變孔傳以為指陳恒朱
注以為兼繼嗣不定不知聖人之意實望景公之定魯也夫
慶父之亂高子實來公羊傳魯人至今以為美談使景潛

桓動高承家法南陽之甲再興季國可誅公國可復此聖人君
居臣之指也後人不明此意妄為之神其亦未明聖人之意也矣

十四日晴

同中相松峰氏永詩于俊飲

十五日晴

得樂山書

十六日晴

海州所從龔師之子米名子海賧以四十元曝氏道詒送中

斬回都

十七日陰大風雨

永詩約悔若容民賞南

十八日晴

程蒲孫太史來見名秉劍蒲孫學問淵雅求見甚切也比卯

本科庶常

十九日晴

伯潛三月二十七日一書至今始到奇甚

朝鮮肅朝使侍郎續昌崇禮過津改海道以示體恤彼中請不由

仁川登岸並免郊迎意甚慢也寄樂山書

二十日晴

買得石深詩序意頗欣並夜復安姪書

二十日晴

派礮船入都迎叔母蹕轎有王發甫同年彦威原居禹堂以秋

燈課詩圖水題卻之復中門一帝云近實成詩發甫交滿海

內亦願流傳嘆咄也

二十日晴 閱課卷言跋

二十三日陰

衛達三來談晚馬植御軒來贈華錫亦函洛神圖一幅

畫不佳姑留之

二十三日晴

許竹簣前輩復元德使臣過以來齊中略談

二十五日晴

得安圃第六書

二十六日晴

答竹簣於舟中

二十七日陰雨大風漸寒

閏卷竣夜得梁山書

二十八日晴

以一朕挽銀山並幃寄潮
朕云終日力戰安知尺籍伍符罰重法
以壹鎗瓶甄功漾疑淺可堪汗督筆端搗
胡誰許馮唐閱慶對眇尔重圍偵

復子峨書夜永詩來

二十九日晴

寄九弟書

Blank manuscript page with vertical lines.

蘭駢館日記 光緒庚寅

十月初一日晴

得樊雲門書並其詩集過晦若少坐作書閱再同疾

初二日晴

三九暨姪孫允言奉叔母匱疎葬初一日由陳家溝東發辰初田輪車行午正至胥莊則母尚未至也留茶孫在河干候之而余先還館料理墓事薄奠抵里

初三日晴

靈輅晨至胥莊河以午後抵里暫奉於舊居之廳中與

三元及從孫夜話

初四日晴

晨越至各堂行禮蹂躪至珊理塔

初五日晴夜大風

與族人聚談今年歲事甚歉例不肯報災族人近又失業
禦冬平歲之計蓋不能備者十之五六也為之惻然者久之

初六日陰微雨薄莫展霽

董終谷秦諸家均至聞張家莊張封翁如相尚存年九十八矣
子玠進士河南知縣孫其紳曾孫鳳翰均舉人親見五代矣此

熙朝人瑞也

初七日晴

以銀卅兩散給六門極貧者長門族兄正佩導二門族叔鳳翔
本門族兄佩續六門族叔瑩九門族叔文會十門族叔瑛弟佩絳
司之

借谷霖蒼先生家譜為脩譜之式太錫霖蒼十三世孫也

初八日晴

已刻英叔母董太叔人於東塋

初九日陰夜月色甚佳

閏行月記

庚寅

一百一 豐潤張氏澗

備羊一豕一雉三元宰允言恭詣始祖塋以次行禮余上六胡編
胡侯之適趁墟者雜逐於衢頗形豐盛

初十日陰

午刻由里至胥莊允言隨行三兒由里取道玉田以疎

十日晴

五鼓乘火輪車至唐沽允言過其婦翁挈舟去余獨赴津

十一日晴

伯行出使日本過以略誌

十二日晴

得伯平書伯行南旋檢舊藏山谷書數種玩之聊以悅目
姚際恆好古堂書畫記近世有名映榻必以宋本為佳並考古
之家皆有驗法懷仁聖教序以首行晉字不斷為驗歐泉
銘以光武光字補鑿痕為驗後宋榻久補鑿痕隱矣坐位稿以概有
州對四字清楚者為驗智永千字文以後有姪方綱摹四字為
驗後榻者無予初得智永千字文一本周禹錫所藏周目記有
此四字驗是宋榻以予後得之予後復得一本末又有李
壽永壽明刊六字一行以則生平僅見

十四日晴

周子玉葉子晉曰來

十五日晴

胡雲相顧曝民劉獻夫曰來

十六日晴

允言自六法來寄安圖第六書梁山書來

十七日晴晨赴微霞旋止

允言回都復高陽一踐過仲彭廡中小坐

十八日晴

允弟遠揚順米寄油果標比年後至隸氏慶胡話

十九日晴

合肥書蘭駢館榜懸之閣中適得江秋文而歲蘭亭乃定

武肥本有阮文達跋道先甲辰又達年八十一合肥有神龍本乃王秋

坪所藏者單溪先生書神龍蘭亭致於後嘉慶辛酉兩

美必合皆樛怙之佳者而南阮北翁聚於一室亦佳話也

蘭亭續考楊誠齋跋曾氏本予見元明跋山谷書云山谷摘黔

沂峽舟中日惟把玩石刻一帙蓋此記也故末年書法越

絕云予湖五更使早起更有夜行人願持此由子寄聲山谷

余目趙子固說思由褚探山谷之源今見誠齋說則山谷之源

秋評時守饒州

宋史李得庭堅楷法
妍媚自成一家游荊州
得在平蘭亭愛說不云
手目悟古人用筆一
作小楷日進日他日當有知
我者

閩下月已

庚寅

一百三 豐潤張氏瀾

在王不在褚觀其推版鶴錄所為逸少以不舍蘭亭之徑矣

二十日晴

展說蘭亭竟日論古齋蕭黃騰以書西米集略一披覽真偽

雜糅而價目甚昂

復第九卷一書

二十日晴

茶孫來

二十日晴

丹崖編修目錄未

唐于優貢丙子舉人
唐辰翰林

二十三日晴

八弟書來十一日子刻生一女意甚悶。當作書廣之。

覃谿谷園集有於瞻雲寺後拓得石鏡溪字詩一首注云後有

僧醒元年七月辛亥同真淨禪師燕茗此石上南昌黃庭堅題

廿四字

二十四日晴

新吾目粵來

二十五日晴

作都書二函先後得伯潛清卿書

二十六日陰連日霧氣瀰漫似晴似雨作雪不成

悔若生日采余齋避讓以明年國初人卷頁及新舊蘭亭數種回
玩極相悅也薄暮張子純來一見之客去後忽覺疲弱不支飯
後嗽涕即枕後胃氣鬱勃起于腹中上振顛眩下竄腰際
五夜不能合目急起靜坐始稍斂攝終不得半晌眠也

二十七日晴

病延醫視之授以疏散之品不效舍肥勸用金雞霜遂
服之余自知病伏已久而發之猛非中醫而兩能治也且後
氣方熾傳苗長智非速攻不可午後壯熱時小譁語困

甚得再回書知病有轉機未全愈為措石而誤

二十八日晴

仍服前藥午後漸倦入夜遺矢而熱漸退矣

二十九日晴浪不空

熱退痛消

三十日晴

前數日則視寢殿者晦若仲彭永詩而合肥每日必
張醫所以正是外間客來恐煩乃移入內靜養

得安園弟八書

夜夢編明人書画得一幅波浪掀天一舟由上游急下作收帆之
狀余於夢中吟其起四句人推余醒但元末二句笑曰已成之醒
語究不必夢語也

一葉扁舟一粟身風帆到處易迷津能從急浪灘頭轉便
是清涼野裏人

十一月初二日晴

初三日晴陰相間

初四日陰

復安圖書

初四陰

初五陰

閩都中疫氣亦盛潘伯真師病五日而平子授文亦病亟也

子涵書采子清之子同官死軍械所總辦張席珍亦感寒

中厥陰而疫

後因浙才同官未死蓋子清之妻毛氏借道一電報子涵也子清有以悍妻貶思無窮辛卯七月補記

初六晴

晨至管齋小坐延永詩略話屬心鶴巢書商師席

祁世長補工尚孫家鼎擢憲徐師鐸吏在祁右則錢應

溥也

初七日晴始薙髮

孫子授病平迴憶乙亥大考十六年身人生真一夢也

初八日陰再回來索者獻類徵則一部文鹽為寄之州一帝不能詳也

曝民來談

初九日陰

病後強將課卷閱竣交院頗疲累也

初十日晴

偶明庚子山集復八弟書

十一日陰冬至

勉力評兩見史論不能改也

十二日晴夜有風全無雪意

仲約得禮部右侍郎稍慰遲暮之感

十三日晴

前似張巽之房梁公碑頗佳趙子固石墨鏤華云存六百餘字此則更漫漶矣近日不易得也

十四日陰

黃建克用懋德均未半月甲飯少睡早精神疲之異常

十五日晴

頭痛作一詩與顧皞氏謝其日本帛

十六日風晨細雨一陣

海若喜余詩益索文十番主旋以日本矮棧相報復用前韻

贈之

十七日晴

癸秋寄補編得八卷未

十八日晴

韓氏來撲並和余詩過亦詩夕坐

十九日晴

麥信堅電來言醇邸病重

察哈爾部復至都統加公費三千兩副都統加六百兩均如
直督原請之數晨越作崇山書並為約定潤若

二十日晴

柴振邦由都回詢醇邸病狀絲懾不省人事殊可憂也

二十日晴

麥信堅電來二十日

上奉

慈聖至卯午正回宮是夜丑初醇邸薨

得王廉生書曰作書致伯平

二十日晴 曝氏未談得作鶴巢書

日閱課卷十餘本疲甚論古目都送蘭亭一本稱是定武

瘦本玩之乃上堂之舊拓本耳索價五百金矣又有一

冊乃軍谿先生目書蘭亭跋共七則共八頁以三千金留之

二十三日陰

醇邸謚曰賢雙楹寫定稱曰呈帝本生考立廟邸弟

上編素十一日守素於北海畫舫齋玉邸傳素能掛黃橋玉

適園易履疎亦如之御前極巨師傳會祀部稿也

得高陽廿日書又復鶴巢書

二十四日陰

課春跋過永詩悔若少談

二十五日晴

復高陽書

二十六日晴

胡荅默漁隱業法

二十七日晴夜大風

曝氏來談

二十分風

花農米知子晉甚病敵夫米長談午後有怯估携聖教米

亦正冊所捐乃慧秋谷所藏有鐵梅蒼玉揚夫二跋惜索

價過昂

聖慈勝緣均補何以泐崇字不橫係字複亦不明

苗半日錄云

太平御覽二百九十三引郡國志幽州無終縣西平城即李廣射石

席之處

子九日情

漢太白詩王琦注也塞上讀太白詩頗有悟入處惜錄而中綴日

來溪理故業覺諸家評賞其談利指摘者固屬以毛求疵

稱許者亦房隔靴搔癢也語曰有酒子佛無酒子仙余子蘇
不字子佛慶字李不字子學仙處自謂取途稍異恒流未
識世之能許者許我否得崇山書畫帆來談請坐引見
十二月初二日晴夜大風如席

後米山書

初三日晴風未止

聞葉子晉病沒州並作書致安姪潘子靜米過悔若少談
初三日黃沙蔽天午後略止飛雪數片而已

至塔竹林希子晉驟而歸氏來談

閏年

庚寅

一頁

豐潤張氏潤

初四陰霾竟日

召陳工部澤霖來曹請臣過話

初五日陰

午後聞子壽文於初四辰刻歿於鄂藩任所殊堪痛惜
夜雷慰再同時方病也恐不能支在星奔

初六日晴

寄安園書

初七日晴

午後過曝氏約雲楯未談

初八晴

得再回書乃初三日所發弟未知壽父之病也夜得鄂電知壽
父目種梅感寒初三猶倚撫院初四並首府有所商權忽頭
暈腹痛更在坐脫無所苦也

初九日晴大風

得九弟書作教步復之語極婉懇可作家誠得允衷夫
頌寄執贖答之

初十日晴午刻風少

寄再回書並幃無可慰藉勸其養疾而已

十日晴

檢點書帙几案頓清欲稍理故業而未得暇也夜稍靜

聞太白詩數首

十日晴

得聖躬書即復之

尔雅釋草眾秬郭注不詳眾字邵郝兩家六釋秬累千百

言而於眾字不及余甚疑之尔雅所釋必經文有之而五經

中無以眾為穀者偶讀斯十眾維魚矣實惟豐年而悅也

也傳曰陰陽和則魚眾多矣箋云魚者庶人之所以養也今人

眾相與捕魚則是歲熟相供養之祥也易中孚卦曰豚魚吉按如
傳箋所解意殊迂曲疑眾魚與旒旗討文眾當作眾植之眾鮮
如眾植之茂於水中之魚之多久則年豐矣似直捷而明日也或
魚乃蘇字說文蘇把取禾若也所種之禾曰把取禾若自是豐
年之兆亦通

十三日晴大風揚沙天日俱晦夜月色皎然

向以正五九不上官為唐忘胡通鑑齊高洋將以仲夏受禪或
曰五月不可入官祀之終於其位宋景差曰王為天子無以下期
豈得不終於其位乎胡身之注陰陽家之說上官忘正月五月

九月則由來久矣

十四日午後晝晦風霾竟夕

午後秉燭讀漢書一卷

十五日晴

顧銀氏來談

閱通鑑三五頁又檢鮑琦亭集學徑室集無所得

十六日晴

得都書州安姪一緘

魏高堂隆傳評曰隆學業脩明志在匡君因交陳戒發於懸

誠忠矣哉及至必改正朔俾魏祖虞而謂意過其通者歎余
按隆於百枝繁興累疏切諫可謂難矣而封禪之議創自蔣濟
隆楸撰其禮儀何也

十七日婿

寄王廉生書

漢書文紀賞斷獄數百爰改刑措烏庠仁哉及觀刑法志高后
元年除三族罪之考文時新垣平謀為逆復行三族之誅殆為
過刑訖漢世遂不能除宜史遷有文帝指刑名之語也復從
龜錯之言令民入粟邊六百石爵上選稍增至四千石為五大夫

萬二千石為大庾長漸令入棠郡縣遂開賣官鬻爵之弊流毒

萬世誰謂孝文賢主哉

十日晴

十九日晴午後陰

韓氏昨來辭行入都寄復柳明書以潁州酒至大名東及中

山杉子蘋婆粵中橙橘然海南香為文忠作生日內人藏陸

姓平張正甫奇前後赤犀兩圖文三橋于賦相于展既久之

于日微雪

晦若來談額祿如升鼻鼻胡斬之得府尹得公第及戴之書

二十日晴

王弼巨解館劇獻天來談午後過晦若容民略語得樂山書

二十日晴

作書辭集賢席明年思作汗漫游身復載之書

二十日陰

樂山遣其化綱任慶及陸宣來寄惠食物並呼狐鳥褂西羊皮袍
筒各一件孝達有電諭再因家事電再回並復考公數語

二十四日陰夜雪

顧祜如來談云次棠前輩之弟子堅幼棠均歿家遭回祿殊可

慘也

夜復梁山書

二十五日雪猶未止

昨得高陽師書寄都中食物數種午後作啟答之並寄食物

數事猶餽歲之禮也

二十六日晴

獻夫芸楮來談伯平目大名至

二十七日晴

伯平果談答裕如獻夫芸楮

二十八日晴

伯平來談得再回復電

二十九日晴

答伯平晚合肥之表弟李子不觀察正業自山東工次來夜

悔若過談

三十日晴

客中又是一年矣胡雲相來

廉生書來以石滄序工承登善下開祐陵山谷實從以出積健
為雄身備軍器謂曜不為稷實則稷不為曜余味以其言

為世揚舊傳元趙子耀亦以文字知名歷中修三教珠英

官至正諫大夫新書曜歷中附會張易之官正諫大夫

宰相世系表西祖房耀字昇華給事中襲汾陰男溫公通

鑑誤以薛紹為太平公主者為曜子按表則紹乃瓘子胡注正其

誤矣通鑑薛母太宗女城陽公主胡身之注及會要城陽先降杜荷
荷誅降瓘